

# Opone Ali Apedora Eong Aipikor?

Jeffersonville, Indiana, USA

63-0825M

## 1 Aso ketuluroto aokokwes kanuka ailip.

Papakosi, kimalai isio Ijo, atupuruc na, kanuka apak na naepol naka atukokin nepepe bobo, ido kanuka apukor Akirot naka Ejakait, apesikin Ngin ne iingarenikosi. Ido-ido kede ailip kwana, ebe ebuni Emoyo Lokalaunan alemun ngun nueraasi Edeke, kosodi aijaikin Ngin mamakosi, tetere isio kinyouni alosit kaibois na naka aima lolo nepepe kitauon luileleba aiyalama. Kongolia apedoriKon naepol naka alakunio, wu Ejakait, epone lo elakuni ienan kosodi alacakin ngul, aitejenikin isio "iboro luajaasi, ka luejaasi, kalu eponitos." Ido kimalai cut isio Ijo kanuka iboro kalu.

Kilipit isio ebe ibuni Jo aisirereng sio kwape kisia AkirotoKon nepepe. Ido nakinyounio isio alosit, kolimunoi kotoma otuonokosi, nakijaar isio ilosi korot, "Apotu itauonowok komulaete kotomawok nejaar Ngesi, Emoyo Lokalaunan, inerasi kaoni nakijaar oni ilosi korot."

## 2 Kisirereng ngolijaanakin kere lolo, kanginiiboisit kere, ibulesiniKon luebwoete kanuka Na, Abeit Kon. Kobongok ailipasineikec kanuka lukadekak. Kitangaleu awate nuedekasi nuka ngul lu eriebasi.

Ejakait, kikoto isio ti ailip Ijo koloma kinga kiding otunga kosodi amoun aur ngin naenerunitai sek kokinga kangina, Ejakait, kosodi ayangaun ngin die, kopone ecemutan, ebe kinwakak Aica ngin esokot ngol, wu Ejakait. Naarai iyuunit iso ebeelosi esawa araun loetuboro, ejai akolong katipet noi euta alumor ko to, konyetdo katipet ebuni araun ebe "mam bobo ejaun apak." Apak ka Nemam Edaun epote aimorikikin nepepe. Ido kilipit iso, wu Edeke, ebe, kapak kangin, ebe kimarakinio isio nejaasi ngul luapotu kimorikikinos ka Kristo, luenyaritai AteraniKe.

Kingarak isio, lolo, kwape kijaar isio aitemonokin, komam ijene inyo ebuni moi ayangaun, konye kikapakina isio aijaun idiobore kere, wu Ejakait, Kokiror loka Yesu Kristo. Amen.

Ipedorete do yesi aiboikin.

## 3 Abeit cut abu eong keyalamikin atupuruc na, nalomunia eong kasodi aanyun ebe a-a atukokina itunga nepepe kanuka aijaanakin naka Ejakait. Ido kiponi aijaikin alimoret kwana kanuka akuare naka lolo. Ebuni ajaun aijaanakin naka aitagale lolo kuare. Ebuni aijaanakin naka ailipanakin lukadekak, akuare na. Apak adio naatubor, apotu kesi...

Na alomunia eong toma, Billy, okooka, abu kolimok eong, kobala, "Ejai e-etunganan ne, etunganan loerai lokican lo ekerunit kamotoka kama elwana." Kosodi atemar atiar, "Abu eong-eong kebwaik ngesi toma agola, Papa."

## 4 Eong-eyapit eong adolun bian kuare, ido-ido mam abu kapedo aisia noi akirot naka nabeit eong ener nukeng, atupuruc na. Kanuka ngun abu do eong kalem aiwadikaeta adis kama ejaas nuabu eong kapup onac ece inera, kosodi alemun kanen akirot, kanu aisub bala kijaun ka nukisia kanuka Sunday school atupurucna; ido kwape kijaar aitemonokin, ka akapanakin da kanuka aijaanakin naka atiibong.

Kosodi Billy atemar atiar, "Ejai etunganan toma nen loedeka." Kobala, "Eong-eong-eongarai ti ijo aitor ber nen kosodi aanyun nges." Aso, abu eong kaloma toma agola kopekwana. Ido onac loerai bala loka aturika, ka mucaala keng, iboiete kotoma kanen. Ido abu Emoyo Lokalaunan kobu kwap mamakosi kotoma agola kopekwana.

Koomoom ber, alimor bon nuka aijaanakin nakaitangaleun, ido kobuni Ngesi nen. Ianyutu? Ido abu Ngesi kolimok onac lo kere nuiswamat ngesi, kanu ajai lem ngesi aswam, ido inyo edupori ationisike ejaun, kosodi neabunitor ngesi, ido kere nuekamunitos ngesi. Ido abu kojaun kanen etoribe loamutono ikaja kotoma agola. Kosodi do ageun acaun, acaun, acaun, ido acaun, kosodi konyet Emoyo Lokalaunan aikamar.

## 5 Kwana, aomit eong ejai etunganan ngol toma a...nenice kokau kane kopekwana. Ngesi ka mucaalake acepak mam epedoritos alomun toma togo, konye abalasi kesi ebe apoteasalakin, karaida biai, kanuka aijaanakin. Eponitos kesi kama ko, eiduny ka Yakima, Washington, akerun ka emotoka. Ido erai ngesi ekejaanakin loka Akiro Nukajokak.

Konyecut aanyun asianut naka-naka Edeke kanen! Ne da ajaar etunganan ngol adekis ido kedumununit amukian ka nginibore. Emoyo Lokalaunan abu kopuko nu kere. Najaatar imurwok luka adekis etamitos kagogong noi aswam nginibore kere yenapedorete kesi, acepak, kanuka etunganan kangol, konye abu koyangaik atirorio mutan ngin naedit kama ka Edeke, aijulakin ejautene. Amukian naka aitierengunun kakim naka ekipiei erai ngin naejok, konye eputos ngin kanukinyarai oni ebe "aduor asasit kuare," ijene jo. Ijo, epedori aijaikin ejautenekon aroniar adepar, teijo, naarai kimurwokini jo nginibore kere yenisek kijeni jo, naibwaikiniata kesi ekia ngol tomakon. Konye Ejakait Edeke, epone lo asianutuKe ka aitim! Ido eringa da ber kilipa kanukangol, arai ngin nadauna. Ianyu? Abu cut koyanga ti ibore mutan ngin yenika Edeke, atirorio ngin mutan, aiswamaun ngun.

Mam eong kebusakinit ti alimun na. Eebo. Ti eong kangolek laingol, angolekin etunganan ngol kwana. Ejok, mam eong ajeni ebe ibuni jo apedor aitodolikin ngun lolo, arai mam.

6 Kokwap kotoma akwap na lem eboio eong, kosabiti kalo. Eong-eong-amina eong ikapapero kokwap kangina. Erai aiyengun napetai ber eringa kedoluno aijaanakineta nu nukapolok, teijo. Ido abuni eong ore, kanu aijesar ngina kasodi alosit ameja ikunyuko nepepe kiinacan lu. Ido ekale lo, ikalia, ti gwai, lukiboio eong kokwap kanen, eraasi teni cuticut itunga lukiminakinate. Ido etunganan ngol, onac loteni cut, ipapero; eraasi kesi.

Ido ediopet kakesi erai loemina noi ingokwo luemejaere. Ido ejaatar ngesi ketogo loileleba ngul kangina. Ido-ido abu eong kaanyu ekingok loedit loibus kokwap kangina, edit ikesa yii, arai nu anyarit eong nuikamunitos nges, "amukurur kerai atutubet naka ekingok kosodi aojau kerai ingokwo iarei," ijenete yesi, ebe-ebe ajai ngol ekeri airimirim etogo kanen. Ido abu eong kaomoom, "Ikatuan, mam kereka ti Joe keminaki ajaut ka ibore bala ngin!"

7 Ido, ejena bo sek, kokinga kotoma Arizona, mam apedori aitwasam nges. Ti nges keloma toma opopongo, ido tikeraun awasiake nges ngin. Aso abu do katema, eong da, "Mam ijo ipedori ajaut ngol. Mam kes itwasamaete ingokwo kangina, kari kangin naka akwap. Naarai, kesi, eebo, mam cut ti kesi kepedosi aitwasam ngul. Tingul...da, ekuse loka ikwamin, e-e ejautene loka akwap kede ipopongo, ido tingul ketwakata." Kosodi konyet, nakabeit, ekingok kokinga kangina, e-e epet ti kear nges, acepak, karaida biai, karai ti nges alomar kinga.

Asodo abu etunganan lo kotema eong atiar, "Ipedori cut jo ayangaar nges." Konye eong-mam eong tikapedo ayangar nges. Eong-abu eong keyalamikin kanuka ngun. Adumun bon ebe kerai ediopet kotoma ingokwo keng luamina ngesi.

8 Ido ejaatar etunganan lo kaberu naeminana ka idwe da ludidik. Dodo apaaran ya, abungin kogeu abongobongoun kau kamotoka kanu aitolomun kinga, ido ajaatar ngin ka amotoka na naka Oldsmobile. Ido ikingok ngin erai bon yenikaojau naetia nen, erai bon yenididi. Ido abu ngin konanga ngin cut airiikin ikingok ngin, kokaukeng kane, kosodi airiecar nges cut, ne do apotu amor nukorot kopedununotor kakoikike kokwap kane, ijenete yesi. Kwabo-kwabo abu aberu ngin, aibois na akeriara ikingok ngin nejaasi luka vetenari...Ejena bo ajen, ti do luimukete itiang kepedokisi ngin ekia loisiridikini, kosodete aiar ngin. Iany?

Ajai ekatumunan ece nepepe keong. Ido atipet ngipengin nakedolio ngol ngina, abu kotema, "Karai ngol korai ekakingok, ti eong kaduik nges." Kobala, "Kodaunosngun. Acamakin do nges erieba kopone kangol?"

Katema eong atiar, "Ejok, kenyeikisi ber oni aduikin nges." Katema eong atiar, kedarakisi ber apak edit."

Kedautu itunga kere aikunyakini awai, abu kalot ailipakin nges. Abu ikingok ngin kotup eong adokar otogo loiboiere. Ido abu ngin, [Eyalamikin atukot-Ekewa.] eebo, ngin...Ianyutu? "Akiro kere nuikotosi, nailipiata, kiyuunitosi ebe idumunete; idumunete yesi ngun, kiinakinio yes." "Akiro kere." Ngol nges Ejakait Edekewok. Ngin mam kereka erai? [Ebala atukot, "Amen."] Erai Ngesi-erai Ngesi loeumokina ido lokaumokin. Ido kimina cuticut oni Ngesi, atupuruc na; ido kimunokina Ngesi, kajenete da...

9 Aanyunit, kapaaran kaya, i-imojongai luarei, toto ka papa luka emeeba loejok loka atukos na-na naka ikeyuunak. Ido toto erai, oo, aomit eong bala eyapiari akwatat, kosodi papa, da. Ido adaun bala ikar itomonaarei mam etunganan loikunyakinitor; kopurake, erai bon apero ariyoro. Araiboot, mam epedori aper kosiepike, arai emame epone edio. Ajai eperi kanen adaun ikar itomonaarei. Kanu amojongu bon. Ido toto da erai naepiarit amojongit bala ngesi, aomit eong, nepenen aapiar akwatat, ido amojong ngin eapikinit akurwokin airebunit akewomisio. Ejai ngesi eomoomoi ebe ejai itunganan yen euta ayangaar ikeboro kere luejaatar ngesi.

Kasodi eong angolekin...komesa, isio kere, atumunak ka imojongik, kiboie kanen. Kasodi eong atemar atiar, "Aibo ber kilosi oni? Inyobo kiswamai oni?" Kosodi amucaalat ngin nakiboie ka eong kapak kangin, keraasi ngul totoke ka papake. Kasodi eong atemar, "Ngipengina itenarit ijo, da. Cuticut, nginidiopet kaoni."

10 Koomoom ber jo ngun, adaun apak edit, eringa oni kegeuna aisisiawok. Erai nen nges itenarit ijo alosit. Kanuka inyo ipetipetar jo? Tetera ipedori ajar. Kanukainyo ijaria jo? Tetera jo ipedori atwanare. Mam kereka eraun abangaanut naepol arai mam oni icamuni ainakineta naka Edeke kanuka Aijar naka Ikar kere? Anyoika nuti kepedo oni aomoom kanuka ngun? Anyoika-anyoika nuepedorete ti ajaun toma aomisiowok, nuekotosi ti airiyar aomisiowok awai kama...mama ejai ibore idio kere? Ido bo karai ijo ajaut ka dollas imilionin akwatat, ido korai atiakunet-naka akwap naka Indiana nakon, araiboot atiakunet naka akwap adio kere, araiboot da ateker, arai, kwape ejaar kwape kangun, akwap kere?

Kijar jo aojau nailosikino, ibusakinit adolokin nen, ijo da. Ianyutu? Ido kainyikokinit, apaaran ka

apaaran, kanginipak na eramar ekonitau, ijai jo alosit cut abear nejaasi ngun. Ianyu? Ijo, emamei ijo aitelekaar. Ijai jo owai lo ebeit aitelekaario, ido, ijo, ibusakinit ijo aitelekaario. Konye kiitunite aisumunet,ebe, "Ngin yenitooliori akeijar kanuKang edumuni ngin." Kwana, anyoin nat bobo abar ace naitelekaarit naebeit adumun itia Aijar, karaida ti kodum jo akwap kere araun nakon? Konye, arai jo-arai kidum jo Aijar, idum do jo ibore yen epol kakere yen ti kepedor adumun. Akoto eong a...

11 Abu kangolia kedianyika ido abu kaany bobo, kopekwana, ainakinet ace naka asianut naka Ejakaitiwok. Kotoma bala isabitin idis luatuboros, aponi kanyaraar eong osimu.Ido emeeba lominat lokokanisa kalo, araibo nat akuan na...mam eong akoto anyarit na kwape noi kwape ekanisa. Eong-akoto eong anyara na, ngin...

Kwape abu eong keneratar ka itunga ice, abalasi kesi, "Eebo, irai bo jo lokokanisa ali?"

Katema eong, "Mam eong arai loka..."

"Iraibo jo lokodiini ali?"

Katema eong, "Emamei edio."

Kotemasi, "Kwana, irai bodo ber jo lokangai?"

Katema eong atiar, "Ajakanut."

Ajakanut!"Ido kanuka Emoyo ediopet kibatisatai oni kere toma Ajakanut ngin." Kanuka Emoyo ediopet, kere, toma Ajakanut na! Abala Yesu, "Kilipete, 'Kobu AjakanutuKon. Kiswamasi nuikoto Ijo kakwap, kwape iswamaere kotoma Akuj.'"Kwana, abu Ngesi kobwo apaaran adiopet koingaren Omoru Lokaijulakin, abala Ngesi, "Abeit katemari yes atiar, ejaas itunga luebwoete kane lumam iirete cut atwanare kiton ne anyuniata Ajakanut ebuni kotoma apedor." Aponi ngin kitodiarai epone ke, kwape kidaunitor oni aitor toma kangun, Omoru Lokaijulakin. Ido abala Ebaibuli ebe, "Ejai Ajakanut ngin tomakus." Aso, lu kesi itunga luka Ajakanut lu elimoritos ebe mam ne erai orekec. Mam ne erai ore wok. Kijai oni idarete abunore naka Ekabaka, aitegear Ajakanut.

12 Aponi kanyaraar kanuka ejautene loka engeso, loka o-onac ece lomojong lopalem erai papa neajai eong. Ido ngesi...mam eong adaunit apak naeoj ajeni ngesi, konye eitunit eong apaaran nayangaria eong ngesi toma ne kanuka aibatisao naka akipi.Ido eapie noi etunganan ngol adolore ikar akaisakanyikaongon-kidiopet luka amojong. Ido abu aberuke konyara eong, ido ngin kwape eraar anaasit, abu kotema atiar, "Abu ngol eketau kopala aswam cut." Kilema ber ngun da, ajaatar ngesi...Oo,anyarit eong...mam eong apedorit aaitun ekiror. Adek naka etau. [Ebala iinac ace, "Coronary," (Ikamunit amoori nuekorete aokot ka ekwam otau)-Ekewa.]Asurokinet naka amoorit nakotau. Eyalama. Asurokinet naka amoorit nakotau, kosodi apalar cut naka etau. Mam emuron loka adekis abu kijaik amun, nepetaida. Ido auta etunganan ngol atwanare, ido abu ngesi konyarau eong.

13 Abu eong kadoka omotokaka Ford ngol lomojong, kageuni aiderokin erot lo elosi Ohio, kwape kagogong kwape abu kapedoria, ido mam abu kajeni ebe adiopet kotoma anamisiganakang ariit, abu do amopira kobocun awai naka ngin. Kosodi konyet do, ajai eong adokar nen, alomun kinga kotoma nemasere akinyet, bala isawan ikany, ajai eong eyalongongoe kanuka ngol, eong-amina eong ngol. Ido ajeni eong,arai-arai kinyikoki, kiyap Ejakait, kanukinyo, katipet noi arai konyet kokau, ebeikini oni ajalakin bonik kanuwok.

Konye, mam ngin ebuni aitotolikin Aurupoorio, kwana. Ianyu? Mam. Kesi egeunete ber alomun. Ianyu? Ianyu? "Oni lukijari ido lukipaikinit, kiton Abunore naka Ejakait, mam kitukurwori arai airebokin ngul luejotoete. Ebuni arupepe naka Edeke aruikin; egeunete ber lukatwak kotoma Kristo ajarun. Konyet do kanen na eanyuniata akonyewok luminanawok, kanen konyet kijulakinio oni, katipet, bala airwakakin naka akongu, ido nepepe kakes kiwurupoorio alosit kuju." Ianyutu? Ngul lu alingakisi anyoun kes ber nasodit einakinitai arereng adepar ngul luejarete.

14 Nape alomuni eong kinga naka nemasere akinyet, korai cut isawan ikany, abu Emoyo Lokalaunan kalimok eong kobala, "Mam iyalongongoi kanuka ngol. Ibuni jo aijangijang akekan, korot bobo, ido ebuni ngesi toma okanisa," etunganan loka ikar akaisakanyikaongon lukapolou, kouta atwanare.

Nairiamunor eong kaberu keng ka luminanake kadekis ko Lima, apotu ngul kolimokis eong nuka ejauteneke.

Abu kaloma toma, kasesen ngesi kotoma kanen. Kotema ngesi atiar,"Konye ejai ne ibore yen itegelikina." Kobala, "Abu ngesi-ngesi kogeu atamakin, sek kosawan ikany." Eebo, ido abu eong...kedaunit Ejakait aitodianakin itunga ngul iboro luipu noi, ejenete cut kesi ebe mam eong abu kalim ngun. Naarai,apotu kesi kogeutu alimokin eong ngun, "Abu ngesi kogeu atamakin." Ajenete kesiebe ti eong kalimok kesi abeit.

Aso, Kanaesabiti naatubor, najaar eong alosit alomar toma Blue Boar Cafeteria ko Louisville, neomit

eong bala itunga luedolete akaisakanyikauni kotoma kangulukwatat naka atukot kana etukonokinos Nasabiti ebong, kanu ainyam, ingai kereka abu eong kaanyu ebunit korot? Alimokini eong yes, abu ekatau komaranu naanyunia eong Onacewok Dauch ebunit korot, becebec cut nuabu Ngesi kolimokinite eong. Abu eong kejangijang akekan, ko-korot.

15 Abu do konyet eong kabongu ne kanuka akuar naka Nasabiti naatubor kasodi ener nuka akirot naka aimorikikina, naka Aimorikikinio Naka Aanyunet naka Apak.Aso...Kosodi ngin aijaikin ngun itodolikinokos, nupe cut abu Ngesi kinerite. Ido ejai ngesi iboie kotoma okanisa lolo, kanepokane cut eiduny kasio, kwape ainakinet naka asianut naka Edeke. kapak naejangijangia akekan kowema, kowema loka ekwam loka oxygen loajai ngesi toma, katema eong atiar, "Onac Dauch, ibuni jo angaleun. Aseseni eong ijo kotoma okanisa bobo. Ngina, erai kereka ngin EBALA KWANGIN EJAKAIT." Ianyu? Kane nges lo iboie kotoma okanisa, kanepokane kwana, Onac Dauch.

16 Araimam eong ebucarit, ekejaanakinan je loenera sek eong akekiro, apak adioi naatubor, abu Emoyo Lokalaunan kolomu toma nen kosodi apukor iboro lu kere; abukolimok ngol epone loeswamaunotor ngun, kosodi alimokin ngol nueswamat ngesi; epone lo atakanuniata ngun, epone lo etodolikinotor ngun, ngun kere nueswamasi ageun kapak kangin, kiton da ber epone loka ekekale, kosodi kere nuikamunitos ngol. Ido abu kolimok ngesi, ebe, "Adaun do ngin." Ido ejai ekejaanakinan ngol iboie kanepokane kalailo, kakan nakoteten. Arai icamuni ber ijo aikeun akonikan kaju, ipa? Engul kanen, ngesi ka mucaalakang, cuticut, kopekwana cut.

Kane ejai Onac Dauch iboie, kanepokane cut kwana. Oo, ikatuan!

Mam tope Ngesi eumokina? [Ebala atukot, "Amen."-Ekewa.] "Iboro ngul luajaasi, luapotu kojaasi, ka luejaunos." Ikajenak idiopet, iarei, iuni. "Iboro luajaasi, ngul luiswamat jo; iboro luejaasi elosete akonye kopekwana; kosodi iboro luepote atakanun." Ido kanginipak, becebec, cut becebec korai toma Akirot. Erai bon Edeke nges epedori aswam ngun. Oo! Mam kereka oni kirai lukiyalama noi aitelekaar kanuka iboro kalu? ["Amen."]

17 Kwana, akirot naejaikini eong eyatakinit apak ace naedit mot, ajai ber Billy alosit ayangaun aberuke ka ikoku. Ido abala ngesi, "Papa, mam igeuni alimonokin aitodol nabongunio eong." Aso, eong-aomit eong abongu kwana do ngesi. Ido ibusakinit eong ti ajaut kapak naetia nen, karaida biai. Ido kereka atamit eong aikunyar awai kama ejaasi isawan iwongon lu luka aitapasaara na naebwaikinit eong yes kere kwapuke kane, kasodi aitarau ngin adagikan akaisauni-kakany, akaisaongon, teijo, ido atamit aidarit ngin.

Kwana, aponi eong kinerai ejok noi kanukang ko Chicago. Abu eong ketodolik ngin adagikan akaisauni, arai ibore ice, akaisauni-kakany. Kotema Billy atiar, "Ijai do teni jo iuta aikeun, papa. Apupi eong epoget kanukon, kanuka ngun."

Eebo, acepak, atupuruc na, tetere aitarau ngin naeputosi ka naka Sunday school, mam eong abuni aisibo yes noi. Ipedorete do yesi alosit kinga kosodete ainyam lukapaaran, ka ailip, kosodete abongun nat ebong kanuka aijaanakineta nuka aitangale. Kilosi oni aiswamaun ekokoro loka ailip akuare na kasodete ailipanakin lukadekak.

18 Kwana, arai ijeni jo itunga idis kere lukane, kanenidio kere, luedekasi ido kokotosi ailipakinio, koyangautu yesi ngul ne akuare na. Ianyu? Arai iburai jo ayangaun kes, kepone edio kere, koyangau kesi ne. Ianyu? Ngina ngesi ibore yenepol, erai ayaun kes ne lolo. Ianyutu? Keriamunos oni kere nepepe. Kopone kangol...erai naeninik noi airimokin. Alosit aiboisit akaulo na aiboisit; dodo arai kijalak ijo itunganan mam idolokini, kopupuni do ngin erono. Konye arai kapedo eong atukokin kes kere kotoma aiboisit adiopet, apedori do eong ailipakin kes. Kwana, arai itojokitos yesi...Arai ekotosi itunga ailipakinio, kesi...Itemari jo atiar, "Epedoros cut kesi?" Oo, cuticut. Eponio ailipakin kes. Koyautu yesi kes toma. Arai ekoto Ejakait, kijaun isio ne, ailipakin nginitunganan. Naarai kijaar eong kaipup ngin ebe euta airiunet nakiuniet ageun aswam, teijo, nepepe-kotomakang. Ido eong-eong-akoto eong alip kanuka nginitunganan.

19 Kwana kapukosi do ber oni toma Naiwadikatai namojong naejena neabu eong kasub bala alemunia kotoma atipet akuare nakabian, ido keniaunitosi ajo teniteni, kasodi aiwadikaun Nuiwadikatai ace bobo kanu aupakin kangin. Ido kayangarite ngin kosubite bala aisimaaaret. Abu eong keira onac ece, irwan ace, itwasamai akouna naka akirot. Ido abu eong kaomoom, "Eebo, acamunit eong abuni eong aiwadikaikin ngin apapula. Naarai emina kojaun aipudakin nges."

Apakio nuipu kiswamaenene oni ngun. Aseseni eong luipu kayesi ijaatar ka apapula. Ido epedori ekejaanakinan alimun ibore, kosodi do jo-jo aanyun adeseikinet ngin, ejai ibore yen etiror kotomakon. Dodo arai Emoyo Lokalaunan nges iswamai ngun, igeuni do konyet jo aiduk ageun kadeseikinet kangin cut kanepokanen, aisiiraret kanuka Ejakait. Ido erai ngin naejokuna. Aanyunun eong kotoma airiamununeta, kaneilosu jo kere, cut ikalimonokinak ka itunga iwadikaete iboro. Erai ngin naejokuna. Kijai oni-oni ne, kanukangun nges kijaar oni ne, nges aitam aingaranakin bonik ka bonik kwape kilosio korotin kalu.

20 Kwana do kapukosi do ber oni toma Apukokinio, esula lo3, katurio nuka ekanisa, ainyogoikin atur naka ekanisa. Konye kwana kijai oni...oni...nen. Ee. Ti eongkapedo ayangaar akou adiopet na naka akirot, ido nepepe ka Emoyo Lokalaunan, kasodi alimonokin Ngin adaun ikar akwatat komam cut alemuni ngun kere nuejaasitomaKe kinga. Naarai kotoma akirot adiopet na, bala nuce akiro da kere nuka Ebaibuli, erucokina Ngun kere nepepe.

Ido akoto eong ayangaar akou naka akirotoka, atupuruc na, naka nu: Opone Ali Apedoria Eong Aipikor? Kwana, abu eong kaseu na naarai aomit eong ebe erai na apak namam cut ibusakinitor oni acamakin Emoyo loka aisikwarunio edungeori. Ibusakinitor oni asalakinitor toma aisikwaruna, ainyikokinit aisikwarunun, kanginipaaran. Abala Paul ebe arai ngesi "atwanare nginipaaran tetere Kristo epedori ajar." Ido mam cut ibusakinitor oni acamakin aisikwarunio ngin etwani, kotomawok.

Kwana Apukokinio, esula lo3, ido ageun kokokoro lo21, kisiomuni oni nu.

*Ngin yenipikori ainakini nges aiboi keong kotoma oicolongoka, kwape abu eong...kepikeoria, keboikin nepepe ka Papaka kotoma oicolongoke.*

*Nginyenejai akit, kopup nuelimokini Emoyo ikanisan.*

21 Ipotu yesi koanyutu a-aitemonokineta nuka ngun? Ianyutu? "Aiboikin kEong kotoma oicolongoka," mere "aiboikin oicolongoka." "Kotoma oicolongoka," erai ngin kotoma ayaetaiKe. Ianyutu? Ido kanen kwape-kwape eraar Kristo Ekayaiton, Ekayaiton loejai oicolong kapak kana, loka ayaetai naka Edeke kaileleba cut, kwape kwangin ejaunotor ekanisa nepepe ka Nges, ejaunotor Ateran nepepe ka Nges, kotoma oicolongoka, kotoma ayaetai kere. Ianyu? Mere "aiboikin oicolongoka," konye "kotoma oicolongoka," teijo, nenangit ayaetaiKe. Eicolong ngesi eyait ayaetai, ido-ido ayaetai erai paka cut nenangitos iikoruon keng. Ido na erai ameun Ikar kere kiton Ikar kere. Koomoom ber jo ngun!

22 Kwana, kwape kisisia na, alosikineteka naka na erai bon abunore ne a-a eidicane nepepeka yes itunga. Na da, amina eong aswam ngun. Konye arai-arai eong kajaatar kaarereng aswam ngun, ti eong kabu orekon, kasodi aijangijang akonikan ka ener da nepepe kajo, kasodi aiboikin ainyam lukatiibong nepepe ka jo; kasodi aiboikin, kwap naka etolim loka ekitoi, kasodi einer ka aimor da adaun apak adio.

Konye nakiponia oni ne, kijai oni ne kanuka alosikinet adiopet bon. Erai lo etogo loka aitetenario. Erai lo eicolong. Erai lo eicolong loka Edeke, ido elomuni etube kotoma otogo loka Edeke. Ido erai ne nges kitukonokin oni, atukonokin kotoma amin, nepepe idiopet ka yenice, kwape eraar bon Ikristayon epedorete amin. Konye, kotoma kane, kijai oni-kijai oni kwap na a-a-a-a aingarenikinio naka Emoyo Lokalaunan. Ejai Emoyo Lokalaunan kidingiwok. Ido kijai oni ne kanu aimarimar kokidingiwok, kanu aanyun aiboisiowok nuejai arorwai, ne kimenitor oni, ido epone ali kipedoria oni aikobar kanekijai oni, laiye ne ebeit oni ajakut kwana; nekijai oni, ido neibusakinitor oni ti ajakut. Ido erai ngun kes kisisiai oni. Ikejaanakinak isisiaete aiboisio ngun, kanuka ikecetunga. Naeanyuniata kesi itunga, ekadakada, kogeunete konyet kesi kanen.

23 Kwana, atipet noi, aomit eong ebe ti ekanisa ibusakinit ailamar akeju nepetai aikeun kuju kapak kana. Mam eong etemonokino aswam ngun atupuruc na, nuka aitoduun iboro lu. Konye eong-eong aomit, kaurianut, arai ekoto Ejakait, eringa oni kelimonokina nuka Arupepen kangun, akoto eong a-a-a ainun Ekanisa ibore cutyen-yen ibusakinit yes kojenu, eyuunit eong, kwana.

24 Aso kwana kinera oni nuka nu, "aipikor." Akirot aipikor, ejena sek, ijenete yesi apolouke. Ibusakinit jo ajaut ka ibore yen ibusakinit jo aipikor. Ido atur na naka ekanisa naenera Emoyo Lokalaunan akekiro kane, kotoma Atur naka Ekanisa loka Laodikia, kwape eapia nekitoritor oni toma kangin, epuda aitoronio. Ebusakinit Laodikia aitoronio, naarai kanuka aitegelikinake mama ejai Kristo. Kebu ngin kibwaik Kristo kinga, kotoma-kotoma aturikec. Ido ajai Kristo kinga, etamit abongor toma. Erai ngin amin. Akaulo na Ngesi aibwaikinio kinga naka EtogoKe Obe, ajai etamit abongun toma, ido abala, "Ngin yen engaari ekek, alomuni Eong toma mama ejai ngin." Ianyu? Akanisa, alopet, kaileleba, kebukibwaik Ngol kinga.

Konye kwana koany. AnyariteKe kane mam cut erai mama ejai ekanisa. "Ngin yenipikori." Ianyutu? Mere mama ejai akanisa; ti erai akesa ngin, teijo, akuan naka ekanisa. Konye erai "ngin yenipikori," idiopet ngin yenebuni aipikor, kwana.

25 Ido ajaatar Laodikia kangun eponitos mamake. Kwana kiseseni oni, do, kajenete ebena nges Atur naka Laodikia, ido kajenete ebe ipuda atur na aitoronet naekwana kama ejai Edeke. Ipuda ngesi aitoronet naekwana. Ido naeraunotor lukapolokowok kokanisan luebonot ido lueumakis, bala papaa ece loemojongit mama ejaasi ipapaike, kere nuiswamaete kesi ejokuka. Ido eraas kesi...

Eneri noi ngun, ebe erai Edeke loejok noi, kiton naetamitor kesi aitarau Edeke kuaru ece lopeti. Iteete yesi? Konye mam Nges erai. Erai Ngesi Papa, ido Papa loka adolit, loka aitetenio. Ido amina erai duc naiteteni. Ianyu? Itetenaar amin.

Toto nakabeit ebuni aitetenaar ikedwe. Papa lokabeit itetenaari. Ianyu? Arai kiraun cutjo loibonot ido

loiumakinit, ido kojalakini...

26 Abu eong kajai atubor kapungure ace apaaran ya, kokwap na-naka aleles, arai naenyaritai acukulet. Ido abu eong kasomakin apungure na. Kingakeng, atakani ejok, asubit bala apungure namojong ati naka ekitoi loka beech. Konye nasomakinor eong kujuke, oo, abu neepol noi kotomake kopokor kosodi acakar awai. Abosit neteni ido eumakinit. Katema eong atiar, "Epone ngol nges ajaunotor Ikristayon." Araut luetwakitos kotoma adiakar ka aibucanareta, apak naeoj noi, aitodol araun lueumakis. Mam kes epedorete aidak adiolangiru, nepetai da. Kesi-mam kesi ejenete apolou naka aipikor. Ido abu do eong kageu aomoom nuka akirot kana, konyet. Aipikor, aidarit Aijar kotomakon. Na amameunor aijar, nges abu kijaik apungure ngin edoli ojautene ngol. Ianyu? Ido abu do kiyatak aroniar kanukeng itia kanu ngin ajaut eperi kaleles na ajaasi akipi.

27 Kosodi konyet, kanen, kiyanga jo Ekristayot, loeomitai ebe erai Ekristayot, kocamak Aijar naka Edeke anyoun kamakeng, ka aijen, aiyalama naka aijaanakin Kristo; ka, aijar kokanisa loiswamatar ngun, ebosi ngesi kwape katipet noi irwan aarei, cut, kojari cut kokwap.

Aso, arai kitamit oni atupit Aisiiraret naka esawa, arai diat bon ewai lo loka Aisiiraet, ibusakinit oni aijar kainyikokinit kopekwangin kotoma Aijar naka Kristo. Ianyutu? Naarai, arai mam, iperi jo kanen, kojeni ebe iboro lu luibusakinit jo aswam, kwabo komam iswamai ngun, abala Ebaibuli ebe, "Ngin loejeni aswam nukajokak, komam iswamai ngun, mama ejai ngin erai adiakar." Kanendo kogeuni ijo aiurumakin, aibos, naitiakaror jo awai kama ejai Aijar naka Kristo, ngin na ti ijo irae-araito.

28 Kiseseni oni atur na nakijari oni kotoma. Erai adiopet kotoma aturio nukapolok nuka aturio kere. Atur na naka Ekanisa naka Laodikia erai atur nakapolon kakere kotoma aturio kere nuka ekanisa naarai erai ngesi awasia naka apak ka aimorikikinio da naka Nemam Edaun. Ido, boboda kereka, erai atur naepolor adiakar kakere. Epol adiakar kotoma atur na itia neiritor ajaun. Ido apedorosio nuka Satan eraasi-eraasinoi nueninik irwan ipu aitiji itia nekeraar kotoma atur adio kere. Ianyu?

Kane, kokau kangina kotoma aturio nusek, Ekristayot apedorio, kanuka alimoreteke naka araut ekanisa...naka araut loka Kristo, apedorio ajepar nges akou kanuka ngun. Apedorio aiar nges, kisiyengunete elopet kocanike, kolosi airiamun ka Edeke, katipet.

Konyekwana alomu lokasurup toma, kokiror loka ekanisa, ido erai naingalai noi. Na nges atur nakapolon kakere naka aingal. Nabalar Kristo kwangin, "Epote imoyonluarei aapikin aputokin kotoma apaarasia nukawasia ti kitapaar Luseuna arai epedoros." Ianyutu? Ianyutu? Ianyutu? Kiiututu abu Kristo kinerite nuka itunga lueseunitai kanuka apaaran nakawasia. Ianyutu? "Itapaari Luseuna obe arai epedoros." Eyapianara noi! Epedorete itungaaiajar kwangin, epedorete itunga kojarete aijar nakalaunan, naelai; komam edikanarete, idotea, ka ikamatak ajon, ikengalak, ikenomak epiki. Epedorete kesi aijar kuju kangun, kwabo komameotor nepepe ka Ngin.

29 Na nges-atur naka Aijar, Aijar naka obe naka Kristo, ne da, e-e ekia loka AkuanaKe, ibore yenajai tomaKe.

Nasodit, kokwap naka aitojokio, aibatisao naka akipi. Nakiareit, kokwap naka Aurio nakitetet, naka Wesley, aitesegaario, naitalauni. Kosodi, nakiuniet, kokwap naka aibatisao naka Emoyo Lokalaunan, aibwaikin amot ngin naitalaunitai toma aijaanakin. Ianyutu? Akirot aitesegaar apolouke, erai akirot naka Ayonanin naimoriarit apolouke "italaunitai kosodete atiakun kanuka aijaanakin," atiakun kanuka aijaanakin. Kwana Emoyo Lokalaunan nges ibwaikini ngin toma aijaanakin. Ianyutu?

30 Ido kianyuni oni, "Kenyou emoyo lokaronon kanenjai itunganan, elosi itorit toma aiboisio nueokito." Erai cuticut ngun keseswama ekanisa, Baptists, Methodists, ngul luapotu kiyuutu aitesegaario. "Kanen do," abala Yesu, "emoyo lokaronon loabu koloma kinga, ebonguni toma akuan na naka ekanisa ido edumuni etogo isiritai, kopieitete piopio, ejarete aijar naesegaara, naelai." Mam ace. "Konye do arai mam etogo ngol ilelebitai, elomaritai, ebuni do ngol kede ajokin nueroko ace akanyikaarei nueroko adepar sek nges, ido ejautene lokawasia loka aibois kana erai loebuni aroniar irwanakanyikaarei itia nesek kageunet." Ti ejok kamakec asalakin eraas Lutheran, itia aijaun Aica ngin kosodi aimen atupakin Ngin. Kwapekwangin Ipentekotin da, teijo, ijenete yesi nuabala eong, isiritai etogo.

31 Najaar eong ener mama ajai icetunganan, apaaran ya, kobala, "Ecoitos kesi noi, karaida ber luipu luka igurupun luka holiness, mam enyaritos Emoyo Lokalaunan ebe, 'Emoyo Lokalaunan,' naarai itejenaaros do kesi ka Ipentekotin naiswamata kesi kwangin. Ebalas kesi ebe 'Emoyo Lokalaunan,' teijo, acoit mam anyarit, 'Emoyo Lokalaunan.'" Naarai, Ipentekotin, itunga lopeduc, enyaritos cut Ngol kwapeenyaritor Ebaibuli, "Emoyo Lokalaunan." Na da, Emoyo Lokalaunan ka Holy Ghost erai ibore idiopet ngipengin. Konye ecoitos noi kesi nuikamunitos ngin. Mam kes ekotosi kitejenaarai kes nepepe kitunga luineras-angajepa ngul; kwabo Emoyo Lokalaunan nges ngol, Elopel. Ianyu?

Anyoika bodo apotu kiswamaunos kapak kangin? Neabu lokasurup, loabu koloma kokwap naka aitesegaario, loaponi kilotunai kinga, kobongunio kosodi adumun ebe mam etogo elelebitai kEmoyo

Lokalaunan, kwana ejautene loka ekanisa erucokina nepepeka-nepepe kaimorikikina naka ikanisan, nepepe ka Aibunget naka aimorumorun naka ikanisan anatar akwap kere. Ido erai kwana ngol ejautene loerucokinit nges nepepe ka Etulikane ka nuceda kere nuka ngin, ido erai kwana ngin na aroniar irwan akanyikaarei itia nesekepapak na alomunia ngin kinga ko Lutheranism. Erai nen nges eyangaari etunganan ngin.

32 Aso konyet do kongolek Atur naka Ekanisa loka Laodikia akaulo na nges adumun Emoyo Lokalaunan, kosodi nepepe kaijen ka Emoyo loka Edeke kotoma ka Ngin, kwabo do egirit ngin aswamisio nuka Edeke, ido enyarit Ngin ebe "aswam nakaronon." Dobodo konyet biai ngun? Nen nges neibwaikinere Kristo kinga naka ekanisaKe obe. Ianyutu? Ngol...mam ngin abu kitodia Ngol kotoma okanisa aitodol nadolio Laodikia; ido nadolio Ngesi Laodikia, kedaunitai agolor Ngesi kinga naka ekanisaKe, ido ajai etamit abongor toma.

Kwana, koany mam cut aitesegaario abu kibwaik Ngol toma. Abu bon aitesegaario kitalau aiboisit ngin kanuKeng. Konye nabunio aibatisao naka Emoyo Lokalaunan, abu kibwaik Ngol toma naka itunga. Kwabo do apotu kesi kogiroto Nges aitobongor kinga, kapak nageunia Ngesi aitoduun Elopel, ebe erai Ngesi ngopengol ban, lolo, idokiton ikar kere. Apotu kirengeasi Ngol kinga naarai araunos kesi idiinin, idoe-e Emoyo Loka Ejakait mam ecamanaros kede inikec. Ijenutu kwana yesi? [Ebalata ukot, "Amen."-Ekewa.] Ebe, apotu ngul kibwaikisi Ngol kinga. "Mam isio ikoto idiobore yenikamunit aisiom aomisio na. Erai-erai naka ajokit. Erai amurwonot.O..." Ianyutu?

Mam kes ejenunete. "Akonye, kwabo mam esesenete; akii, kwabo mam iirarete." Ianyutu? Epukori bon Edeke akonye kwape ekotor Ngesi. "Itininiki Ngesi yenitininiki, yenekoto Ngesi aitininik, ido-ido-ido einakini Aijar nejaasi ngul luekoto Ngesi ainakin." Ngun nges abala Naiwadikatai.

33 Kwana, kiseseni oni isawan lu lukijai oni toma, adoketai na, ido kiseseni oni ibore yenikerai sek ngin. Ido ejai Emoyo Lokalaunan aitoronit atur ngin naebwaikini Ngesi kinga. Konye, kotoma kangun kere, ipotu yesi koanyutu, "Ngin yenipikori"? [Ebalata ukot, "Amen."-Ekewa.] Karaida ber kotoma atur nakaronon naka ekanisa ngin, naka akwapin, "Ngin yenipikori."

kidumuni oni kane ebe ejaatar duc Edeke ka ikepikorok. Ajaunotor Ngesi ka ikepikorok kotoma nginitur. Ejaasi duc, kanginipak, kotoma kanginitur na ejauna toma akwap, ejaatar duc Edeke ka itunganan mutan yenepedori Ngesi aibwaikin aKekanin mamake, kwape ikajenan kotoma akwap. Mam Nges etwaniaritor ajaut ka ajenan, karaida erai acepakio ediopet bon. Konye kebu itunganan kipiko, kwana, kwapelukalaunak lukolosek.

34 Ido e-etunganan loejok noi, ekesisian, abala, akaulo naka Aipuceta Akanyikaarei, abala ngol, "Onac Branham, ijo kwape iraar e-loitupusi, etuputon, gwai ti," kotema atiar, "ikwaikini ijo ai kotoma akwap kana ibwaikini Ekanisa ngol toma Aurupoorio komamei apak naka Ican Luipu, kotoma aitupuset"? Abala ngesi...

Koany jo, arai erai aitupuset, iburai kojai e...iburai kojai...arai ejai namam erai aitupuset, ibusakinit kojai aitupuset kanuka ngin namam erai aitupuset alomun kama. Ido nginibore kere yen enera eong, yen erai yenikabeit, ejaatar ka aitupuset. Ejaatar ngin ka aitupuset. Ijaatar jo ka etoribe. Ido abala Ebaibuli ebe, "Iboro lukolosek araasi etoribe loka iboro lueponitos."

Kotema ngol atiar, "Konye kereka ibu jo koyanga Aitutuket Namojong kwape etoribe. Kwana kereka," kobala ngesi, "anyoika ilosi ijo aswam kanuka Ekanisa kalo?"

35 Ebunit etunganan lo kama ka...Etunganan loepol, ekesisianakinan loepol loerai opaperoka lokotau, etunganan loejok noi, ido erai ngesi onac lominat. Eong-eongmam cut atamakini alimun akirot karaida adiopet naerono asurwokin onac ngol. Mam eong ti keswama ngun karaida biai. Kwape-kwape e...Kwape Ekristayot, mameong ti akoto alimun idiobore asuruokin ngesi. Ngesi-ngesi-ngesi mam nges kicamanara keong kotoma akirot ngin adiopet, konye ngesi-erai ngesi onaceka loketia. Kimori isio ainyam nepepe. Ido, oo, erai cut ngesi ekesa loejok noi. Ayanganari eong eitabo, asiomenen aiwadikaetake. Ido iwadikaenene ngesi ace kanuka, ka ace da kwangin. Ido alemunun eong akwes nuipu nuka akiro kotoma kangun nabu eong-eong kasiom-kasiom kotoma aiwadikaetake, kapupunun da nges inera. Erai ngesi etunganan loepol, konye ngesi-mam cut ngesi epedori acamanar keong, ido eyalama eong kanuka ngun, kanuka amunonutuke. Karaida mam cut nges, idiopet kotoma lu lueremita, erai cut acamun nginibore kere yenilimuni jo. Ejaatar ngesi ka aipupukeng elopet, ido ebwoi ngesi kanuka ngin. Eyalama eong kanukangun. Ido erai ngesi etunganan loejok. Oo, eong-mam eong arai ekesisianakinan arai ekesisian, nepe tai da, konye etunganan lo erai kere ekesisianakinan ka ekesisian da.

36 Konye eong-eong mam kicamanara nepepe kanges, naarai mam eong aanyunit ngin. Konye, mam ngun erai nuikamunitosi aitajario, erai nukamunitosi Abunore naka Ejakait. Eseseneni ngesi ebe ibusakinit Ekanisa aitor toma Ocan luipu, kanuka aitesegaario. Abala eong ebe Aokot nuka Yesu apotu kitesegaasi Ekanisa. Ianyutu? Mam nges ipuda adio...

Eyuunit eong ebe elosi ekanisa aitor toma apak naka Ican luipu, ekanisa loka iriongeta, konye Ateran mam. Ti kereka jo kiseu aberu naebeit ber jo aitesegaar eroko jo kedukokina ngesi? Ianyu? Ateran naka

Kristo erai naeseunitai, ido eseunitaiNgin. Ido erai Ngesi Ateran naka Edeke, Ateran naka Yesu Kristo.

37 Kwana do abu ngol kotema atiar, "epone ali ilosio jo aituput ngin, arai elosi Ateran ngin alomar, adokar kuju eringa Ngesi kitoro toma apak naka Ican luipu?"Kobala, "Kijaar eong ka Naiwadikatai naitodikini jo ebe itori Ekanisa toma apak naka Ican luipu."

Katema eong atiar, "Kosiom ber jo Aipucet Naikanyetekape, kodaunos ngun, ejai ngin nencut kokwap naka apak naka Ican luipu. Konyet idumuni jo ebe eringa ngun kejauna, kodaunite Ateran alosit. Ianyu? Ejai Ngin toma Aibuses kapak kangin.Emamei Ngin aitesegaario." Ianyu?

"Ngin yenikeyuuni Eong ejaas kAijar naka ikar kere, kwabo mam elomari aitoronio arai Atubokinio, konye anyou kotoma atwanare aloma toma Aijar." Abu Kristo kijai aisumunet ebe mam oni da ber kilosi aibwo kotoma Atubokinio. Aso abu Ngesi kalacakina koyanga aiboisit ka, kiton ne araunor eong lo alacakinitai cuticut. Naisioniere eong, isionitai eong. Epedori biai Ngesi alemun eong kinga koiduka loka ebaanya, kojaatar ka arisiti naecae, arai...Epedori biai Ngesi araut Ekalakunanika, kosodi alemun eong koiduka loka ebaanya, ido elope eiduka ngol asalit ebala ebe aringa eong arai eong lokeng? Kijaar eong ka arisiti naiwadikatai, amen, teijo, iwadikatai kAokot nuka Yesu Kristo. Ianyu? Kwana kotoma kangun, ne do nges kiponit oni.

Kobala ngol, "Kwana, biai ilosio jo adumun, atiakun Ateran ngin naeseunitai ngin nainera jo nukeng kwana, opone ali ilosio jo aibwaikin Ngin kotoma aitupuset?"

38 Katema eong atiar, "Ejok noi." Abala eong, "Ngin nata kane. Kwana kotoma Matayo, esulalo 27 ido ekokoro lo 51." Arai oni...

Meredo ber eong kasiom ngin, kosodi konyet oni-kidumuni oni ngin ejok. Konyet do kidumuni oni arai etupusitai ngun arai mam, arai erai ngin Ateran naeseunitai. Matayo, esula lo 27 ka e-ka ekokoro lo 51. Mam ace. Kisiomuni oni nu, kapak nakaaibubukinio naka Ejakaitiwok.

*Ido, koany, kocila aigalisit naka eyekalu kaarei, ameun kokuju kiton kwap;...*

39 Kwana araasi ngul ikisila. Apotu ikisila konangakis nen cut. Naarai, eteriborit aigalisit atukot kama ejaasi iboro ikulepek luka Edeke. Kerai bon esasedoti loinyonyoikinitai nges alomari toma nen, ido, ngin, irwan atipet ekaru. Iitunitosi yesi? [Ebala atukot, "Amen."- Ekewa.] Kwana, abu Edeke, kede aKekan Elopet, koany, ameun kokuju kiton kwap," mere anyoun kokwap kiton kuju. Erai ngin ipuutin luedoleta akaisaongon kiton kuju. Koany, mere ameun kokwap kiton kuju, konye "ameun kokoju kiton kwap," itoduunit ebe arai Edeke eswamat ngun. Abu kocil aigalisit ngin araun aarei, konyet do, idiotunganan, yenipe kere kekot,apedori abunore kosodi araun ikamoran yen AlauniteKe. Ianyutu? Mam ace.

*...ameun kokuju kiton kwap; komaran akwap, kobwangabwangs amor;*

*Kongaanos atesin; kitonyounai awat nuipu nuka lukalaunak ka lukolo kejotooros,*

*Kedau Yesu ajarun kolomut katesin,...kolomasi ore lokalaunan, kitakanikinos luipu.*

40 Ejai ngin naeseunitai, Ateran ngin. Mam arai ekanisa kere loka Iyudayan abu kojaru kapak kangin. Kesi kere ainanakineta asubanit adiopet ngipengin. Kesi kere ajaasi kwap naka aokot nuka imerekek nuabukoritai. Konye ajai Ekodet loaseunitai; ido Ekodet ngol loaseunitai, atipet ngipengin nadolonio akirot ngin, ngul luteni cuticut eyuunitos Ngin kamunokina. Kwana alosi eong adolokin akirot ngin aipikor. Kwana kotingata ngun. Lu luteniteni kepotu kipikosi, luainanakinete kamunokina asubanit ngipengin nainanakinete luce da kwi, konye,kotoma amunokina, apotu kipikosi iboro lukakwapin. Naponi kiswamaere alucet kojokan kanukec, ajaasi kesi paradais aitodol ngin...apak ngin. Naponi kiswamaere apak ngin, kedaunitos kesi aipikor ido ajaasi aiyengun; teijo, "awat nuipu nuka ngul lukolo kejotooros kotoma apua," teijo, apotu kojotooros.

41 Kwana, arai kojai oni apak, ti oni kipedo abongor neejai Daniel, neabu, Daniel, eseuna ngol loebu kipiko. Ido abala Ngesi, "Korapak Eitabo, Daniel, naarai ibworari, ibwoi da kotoma nakibeit jo. Konye naebunio Ekapolon, loebuni aibwo kanuka itunga, ibuni jo aibwo kotoma nakibeit jo." Ngin na kane. Daniel, enabi lo loka Edeke, abu koany apak nakawasia ebunit. Ido abu Ngol kotema atiar, "Daniel, ibuni jo aibwo kotoma nakibeit jo kapaaran kangin." Ido kerai bo ngesi lo kane, elomuni; mere Isirael kere, konye luka Isirael luaraasi aitupuset naka Ateran.Kwana, luideuna luka Isirael mam elomunete kiton ajarun naka kere.

42 Kosodi kwana kotoma Abunore naka Ejakait Yesu, ngul lu teniteni eminasu AbunoreKe, luejarete kanuka ngun; naetakanunia Ngesi kotoma apak, Ekanisa loabu kotwana kotoma Kristo ebuni ajarun, ido eponio ngul aijulakin katipet. Luce luideuna kakesi mam ejenunete idiobore yenikamunit ngun. Kiitutu, "kotakanikinos ngul lukejaas toma ore." Ianyu? A-a-a Aurupoorioebuni ajaun kopone kangol. Kiponi oni aanyun nginidiopet kayenice, ido kiponioni aanyun kes. Luce lukotoma akwapin mam eanyunete kes. Eponio ngin aurupoor kwape alosit naka aiyeiyea. Kidarit apak ngin!

Konyet do abongun aakwap kanuka Apugan ngin naka Ikar Elukumit nakaibuses, kosodi konyet ikar



ngulelukumit... "Luce luideuna lukatwak mam epote aijar adaun ikar elukumit."

43 Kosodi konyet ebuni ajarun naka kere, ne, Isirael kere...ka da, kongolek nen, ikiyakia lutomon kaluarei, lukapapa lutomon kaluarei, ebwoikinitai kere. Ido mam beroni kidolit nen. Acepak, arai ekoto Ejakait, kilomari oni neejai ngin kotoma Aitutuket, epone lo arwatatin ngun nuka ayasaper, ka amor nutomon kanuarei, irutei itomon kaluarei, apeteta atomon kanuarei, ngul kere ebwoikinitai. Eluta ngul iboiete koicolongo itomon kaluarei, ikiyakia-lumalaikan luka apaarasia kangun, aijaikin atubokinio mama ejaas ngul luapotu kongeroto aisiiraretekec. Amen. Kanen kolomuni esawa ngol loepol. Ee.

Apaaran bo na, apak bo na nakijaria oni! Epone loibusakinitor oni airere, Ekanisa.Kwana kinera oni nuka iboro lueponitos, luebeit aponare. Kwana, lolo, kabongosi ber oni kau ne kasodete aanyun, kangicakinos oni ikulepek bonik kasodete aanyunarai kijai oni cut toma Aiyuun.

44 Kwana kenerata ber oni nuka ikepikorok idis kanu adakikan adis, kotoma apaarasia nuka apak naka Noa, na da abu Kristo kitupusite, kanuka araut naeputosi bala lolo.

Aomit eong ajaun ka adakikan atomon. Kwana abuni eong araun atutubet naka esawa. Ajai eong bon eong ageun, apapula nasodit. Abuni eong ainyein ice kakesi, arai apedori eong, kasodi alemun lu...

Kotoma apak naka Noa, aitupuset naka lolo: Abu Yesu kijulurate ngin, ido abala, "Kwape ajaatar kapak naka Noa, kwape kwangin ejaunotor kotoma Abunore naka Okoku loka etunganan." Koany, kejaasi kere luka kwapin kangun nuka akalele, acepak imilionin luka itunga, apotu kojaunos ikepikorok ikanyikauni. Itunga ikanyikauni kes apotu kipikosi, ngul luaraas luteni, ikepikorok lukabeit. Ajaasi nen odwe iuni luka Noa ka amucaalanakec, ka Noa ka mucaala keng. Ikanyikauni kes apotu kipikosi, luapotu kolomasi ataker kotoma apak alopet. Kikwaikinete ai kesi iswamaunete ngun? Mam kesi aponi kikamunai kokinga nakaek. Aponi kikamunai kes kotoma naka ekek.

45 Oo, ipaperoka luminan, sirikicamak ekek ngol agolokin. Abala Yesu, "Kwape ajaatar kapaaran kangin kwape kwangin ejaunotor kotoma Abunore naka Okoku lokaetunganan." (Eyalama, onac.) "Kwape kwangin ejaunotor kotoma Abunore naka Okoku loka etunganan." Kwana, ejaun itunganan mutan yen elosi aikamakinio kinga naka ekek kangol.

Luipu kakesi acepak kejaatar ka alosikineta nukajokak, ido "Kapaaran ace, arai ketakanutu iboro ka kangul, kilomari do oni ka Onac Noa, naarai erai ngesi etunganan loejok." Konye, koanyu jo, abu ngin kodum ikanyikauni bon ejaas toma.

46 Kwana, koomoom noi kagogong kwana. Arai iperi jo kanen kouta aiumakin, koloma toma. Kisunyitosi, atipet, naarai epedori ekek agolokin kadiopak kere.

Ido ejaunun duc ataker kotoma akerianut naka Edeke. ajai ataker kotoma apaarasia nuka Noa, kanu aitajaria iKetunga. Ajai ataker kotoma apaarasia nuka ikisila, asaduku naka aitutuket. Kotoma apaarasia nuka ikisila apotu kesi kotupata asaduku.

Ido ejai aijokokinio nakiuniet kwana; bala apakio nuka Noa, kosodi kwana apak na.Ejai ataker kwana. Ido ataker ngin mam erai ediini, mam da erai aswamisio nukajokak nuiswamai jo. Erai "kanuka Emoyo ediopet," Iromayon 8:1, "kibatisatai oni kere toma Akuan adiopet, kotoma ayaetai naka Ajakanut kangin, aibatisadiopet nakOmoyo," komam apodo arai ejok biai, arai erono biai, nupe kere erai, ijai ijo toma Ajakanut ngin kanuka-kanuka aibatisao naka Emoyo Lokalaunan. Ianyu? Ngol bon nges epone loipikoria jo. Erai kere ngul luejaas kwap naka Aokot nuabukorio kes eraas ikepikorok, naarai mam ijo ipedori aipikor, ijo ilopet. Erai Ngesi nges abu kipiko kanukon. Ijai ijo aiyengun.

47 "Opone bo ali ajenunia eong konyet, Onac Branham, ebe ajai eong toma nen?" kosesen epone kaijar naijari jo. Kongolengole bon ijo. Koanyu arai elomunit ngin kotomakon kinga, alopet bon. Araibo erai jo aiketanakin ka airiitai, teijo, apolouke ijai bodo jo aswam ngun. Iiritor jo aitam? Ee. Siri.

Eputos cut kede aitolomikin akan na imukeru toma akan naka egoe, tei jo. Erai bon ngesi kuju, kwap, laiye, ka nginibore ice kere. Ianyu? Mam nges epedori aswam ngun. "Lominat, konap ekootikon." Mam nges epedori aswam ngun. Ikan ngin edidit ngin elosi kuju, kwap, nepenen. Eyangaikini akanikon naesipo.

48 Oo, epone lo eyalamar eong, apedori bon eong ajalakin akanikang neejai Papa, kabala,"Ejakait Yesu, mam eong apedori alomar toma Nen. Kingarak do Ijo eong. Kitanapikinai eong ekooti." Apala eong atamit. Kojalak Nges kiswama ngun. Ianyu?

Arai kesal ikoku yenididi ngin atamatam, "Oo, apedori eong aswam ngun. Apedori eong aswam ngun." Ido ejai ngesi nenidio kere. Mam nges epedori aswam ngun.

Mam ijo da ipedori, mam eong da apedori, konye arai bon kipala oni kasodete ajalakin Ngesi aswam ngun. Kijaikin bon mamaKe, "Kane, Ejakait, eong lo. Bon-bon kocamak eong mam araun idiobore. Eong-ejaikina eong. Kibwaik do Ijo akakan aibois naibusakinit." Ngin nges aipikor. Erai ngin aipikor.

Nuibusakinit ijo aipikor nges ijo ilopet, aomisioit kon, ikonibore, kosodi ainakinilopet mama ka Ngol. Abu Ngesi kipiko kanukon. Ejeni Ngesi erot; oni mam.

49 Konye kotoma apak naka Noa ajaasi ikepikorok ikanyikauni, ido ngul kes apotu kolomasi toma. Aponi kesi kikamunai kotoma.

Kwana kongolekisi, ipapero. Eyuunit eong ejaasi kesi aikam na kateepu. Ido arai ejaitoma o television, arai mam etel-...kitimoi eong, ateepe. Kere nupe iswamai jo, luipupete kopekwana, arai ngul luepote aipup konyet akaulo kanu, eekarit esawa noi, ido ijaatar jo ka alosikinet naejok, konye kikamakin ijo toma. Kwana, siri kiuta. "Mere ngol loekot, arai ngol loekeri, konye Edeke." Bon kocamak Edeke. Bon koinakin cut neejai Ngesi kosodi aiyatakin alosit, kede aiyuun naitegoro, naimonikina, ebe, "Ngun nuabu Edeke kisumun epedori Ngesi aitodolikin." Mere alomar odiini ediopet, ediini ece bobo, aswam nu, ka ngun, arai kwa, atamit nu. Bon koinakin ilopet mama ejai Edeke, kosodi alosit ka Nges, kinapakina, kiyamakina, komam itolitolitai. Cut aiyatakin alosit ka Nges. Erai ngin nakabeit.

Ngun kes abu eong kalimok onacewok loabu- komunaar. Ianyu? "Bon kojalakini neejai Ngesi. Ejai Ngesi ne, Ngol loabu kojoni nuiswamat jo, ido nueduporete jo ajautukon ka aswam da kopone kalo, ka ngun da kere. Ejeni Ngesi kere nuikamunitos jo, ido kwana kereka alimoki Ngesi jo nuibusakinit aswam. Kwana, "katema eong atiar, "ibore bon yenibusakinit jo aswam nges alosit aswam ngun. Nges ngin ebe kimurwokis jo nuatuboros, kolot, kojar kanuka nukoingaren, kotoma Aibuses ka Ajakut naka Edeke."

Ikepikorok ikanyikauni.

50 Kotoma apaarasia nuka apak naka Daniel, ajaasi ikepikorok iwongon luapotu kopedosi abwoikin aitemio naka akim ka engatuny.

Aso, emunoi ti oni aitemio. Erai ngin nakisisiauna naejok kanuka eka-onaceka kokau kangina, da. "Ngin yenebuni mama ejai Edeke ibusakinit ber aitemio." Aitemio (inyo?) kede Akirot. Ngin nges aitem naka Edeke. iyuunitos yesi ngun? [Ebala atukot, "Amen."-Ekewa.] "Ngin yenebuni mama ejai Edeke ibusakinit ber aitemio." Erai bon ngin naitoduuni ikoku yenikabeit, konyet, koany, koraun yenikitemio. Ido naebunio aitemio ngin neijai jo...mam jo ipedori aipikor arai emamei aitemio naponi koinakinai jo. Ido naijaikinere aitemio, erai kanu aanyun arai ipedori jo aipikor arai mam. Ido abala Yesu ebe, "Ngin yenipikori," aitemio. Aitemio nges ibore yenepol kakere yen abu kiswamaikin jo. Eyuunit eong iwadikatai ngin toma Okokoron, abala Petero, ebe, "Aitemiowok erai naka etiai loepol adepar esabu loketiai." Erai apak naka aitemio. Erai ngin aitogogonget adiopet naejok ebe ejaasi Edeke kaoni, nakitemere oni, naarai idwe kere luka Edeke itemio ka aigimor da.

51 Ido Daniel, etunganan, enabi; Shadrach; Meshach; ka Abednego; Daniel nges arai enabi; ido arai ngol nges etiai loka Ekanisa kotoma apaaran kangin, apeleikinit eong, Ateran. Ipu noi luka ekanisa, bala imilionin iarei kakesi apotu kolototo ngina. Konye ajai...kerai ngol nges etiai loka ikepikorok ngul aponi kibwaikinai toma aitemio. Ido nginikepikorok kere ibusakinit aibwaikinai toma aitemio. Ido na atemariata ngul ebe, "Kogiroto kereka yesi nuebala Akirot, arai mam kicakakinio yes toma oupa loidopit," apotu kesi kogiroto nginibore kere dimarai Akirot.

52 Ido naejaikinere Daniel aitemio, ebe ti kogir ngesi ngun nuabala Akirot, ebe ibusakinit kesi akukumit kosesenete eyekalu, kwape abu Solomon kilipia, ido abuni Ngesi alakun kes kotoma oboro kere, abuni Edeke aiirar kotoma Akuj arai kesesenoto kesi eyekalu kosodete ailip, ido abalasi, "Arai kilip idiotunganan kotoma apaarasia nuetia ne, ido kirai oni Medo-Persians, lumam kipedori aijulakin arai aitegelikin ikosikisila, eponio etunganan ngol acakakin toma abwa naka ingatunyo," apotu kolokikis atacit kanukeng, abu ngesi elopet kolot kaiyapaara, nadolunio apak kanu nges ailip, na ajenia ngesi, kaibois na ore kotoma Yerusalem, ajai asubanit aanokie kotem, mam Daniel akuriana ikangicak ngul.

Abu kikia aigalisio, kongaaari agolito, kosodi akukokin, kikiari akekanin mama ajaiEdeke kosodi ailip. Kanukinyo? Kojar arai kotwana, abu ngesi kipiko. Ido, kanuka ngun, aipikor naepol noi kiton mam ingatunyo apotu kopedosi ainyam ngin. Ngesi-abu ngesi kipiko.

Kwi...Shadrach, Meshach, Abednego apotu kojaunotor kaipikor naepol noi kiton engatuny...kiton nemam akim abu kopedoria aicwear ngin. Ijenete yesi, aipikor erai ibore yeneninik aitisisor, arai anyamar, arai idiobore kere. Ianyutu? Aso, apotu kesi kojaunotor ka ngin.

53 Apedori eong alimun itunganan ice bobo. Kotoma apaarasia nuka Lot, abu Yesu kijulirate ngun, arai iuni bon kes apotu kipikosi, Lot ka adweke aarei. Mam karaida akeberu; mam abu kipiko. Abu ngin-ngin kogeu alosit. Erai ngin aitupuset. Arai kajaatar oni ka apak. Akadakikan akaisauni adaunos cut kopekwana. Ianyutu? Ianyutu? Akesa ngin, abu ngesi kiswama ejok, abu konyou.

Kwana ibusakinit eong aijaikin yes na, motimot ber. Luipu kayesi inyoutu, yesi da. Luipu kayesi ipotu kinyeikis iboro lu, ayangar abwoetai kon, akaulo jo airere Ngin kotoma Nuiwadikatai kosodi aanyun ebe erai Ngin nakabeit. Ibu jo koany aitogogonget naka Edeke Lokapedor kere; mere kanu ibore ice mutan, nuabala itunganan ice keraas aitogogonget. Nuabala Ebaibuli apote araut, ido kane ejai Ngesi aswam

ngun. Ibu jo koany ebe kerai Ngin Abeit. Aso, inyou ijo alosite, ainyein Sodom, ainyein ediini, ainyein iboro luewenikinito jo toma aiyuunet; kosodi atupakin Kristo, kanuka Emoyo Lokalaunan itodiara Elopel kanuka Akirot naka Edeke naiwadikatai. Kotoma akiro ace, ibu jo koyanga Ebaibuli aibois naka aiyuunet. Idu jo anyoun, kanu atupakin.

54 Ejok, abu aberu a Lot da kiswama ibore ngipengin, ijenete yesi. Abu ngin konyou alosit nepepe ka Lot, atupakin okilenike, ikedwe, luminanake, konye kemamei ibore ngin kotauke. Aringa ngesi emina akwapin. Aso erai naepedor ebe ipedori jo ageun, konye ca koringa irai akwapin kotomakon. Ianyutu? Mam ngin abukipiko. Ido arai da ber ajai ngesi ejok toma orot, kawasia do abu kibiro ngesi. Kebu koraun nges angoliar angoliaret ngin adiopet nakawasia, naeoj. Nen nges abu ngin kikamunor. Mam karaida ber ingoliari kau. Siri kijaunotor kaiipudesia. Kinyikok alosit. Kibwaik aomisiokon laiije Kalvari ido kinyikok aiwot mama ejai Kristo. Ianyu? Ianyu?

55 Abu ngin kogeu alomar kinga kwape akepikoron, konye mam cut ngesi abu kipiko. Oo, abu ngin kinyeik ediini. Abu kinyeik. Abu konyou alomun kinga ko Sodom, nepepeka Lot. Konye akoto ngesi abongor kanu atubor iketim. Ijenete yesi nuapeleikinit eong. Ianyu? Kiburai nges abongor. Mam cut ngesi abu kopedo atitingikin a-a aitemio ngin. Kebu koraun ngesi angoliar kau bobo, kanu aanyun inyo autasi nuce kwa kere aswam. "Oo, ijeni jo, ajaasi eong ipapero luajokuka ngina, karaida erai biai, acepak kora na alosite-alosite naedit. Mam eongajeni arai epedori araut nakabeit arai mam. Eong-kijaar eong kakirot bon naka etunganan kalo kanuka ngin, karaida erai ngesi okilenika. Konyeca..."Ekekokonikon nges okilenikon, ener kotoma omoyo, teijo. "Kwana arai epedori araut nakabeit arai mam, mam eong ajeni. Acepak ngesi, mam apukokinioke kerai nakabeit."

Apolouke, arai mam ijo imonikina kaitekooro, mam jo kaitekooro ebe erai ngin Akirot naka Edeke, konyet do-konyet do mam jo ipedori alosit. Ianyu? Ekot jo kogwelara teniteni. Ibusakinit jo kojoni. Mere atemar bon atiar, Ejok, aseseni eong luce iswamaete ngun. Aseseni eong aanyunet."

56 Ijeni jo abu Isirael kolomu kinga, ti eong kapedo alimun ibore ngipengin kasodi ayaun ngin toma ne. Apotu kolomutu, koraas itunga imilionin iarei lukagogong, idoapotu kongetakis eraas ikiliok iarei. Abeit. Apotu koanyutu aswamisio nuka Edeke. apotu koanyutu aitodianareta nuka Emoyo. Apotu koanyu aswamisio nukapedor, nuepolok nukagogong iswamao kangina ko Misiri, ido nginibore kere, kosodete alomun kinga. Konye mam ngin-mam ngin kejai otaukec. Mam kes apotu kipikosi. Apotu bon kesi kolomutu kinga. Ido abala Yesu ebe, "Apotu kotwakata kamoding,"ido atwakata Ikar kere. "Nginidiopet kakesi atwana," apolouke atiak Ikar kere. Nginidiopet kakesi abu kobosik amoding.

57 Konye ajaasi ikiliok iarei, Yosua ka Kaleb. Ido nadolunio aitodiario, airebokineta araasi nuapolok noi kiton nasubitotor kesi bala ibeerei kitiiriani kangun. Abu Yosua kiworo nepepe ka Kaleb, kotemasi atiar, "Kipedori cut oni aswam ngun."Kanukinyo? "Edeke abala kwangin." Ido araasi kesi ikepikorok. Apotu kesi kipikosi. Kerai kesi lukisirerengitai, kotoma orionget ngol loepol loka itunga loka itunga, ayangaar nateni, Ateran naseuna toma akwap nakaisumunet. Yosua kaKaleb kokokoron lukoingaren kokinga kangina, kwape ikapolok iarei luka ajore,apotu kingarenikis ngul cut atupar ecor, kosodete atubor kocor, laiije tomaakwap nakaisumunet. Kanukinyo? Eyuunitosi kesi Akirot, komam apod inyo.

58 Kosodi do, Datan adakun. Abu Datan, gwai ti konyou, kwapekwangin Kora da, apotu kesi kotamasi atiar, "Etamit etunganan lo adakakin ayait luce kaoni kere; erai ngesi lokalaunan adepar luce kere kakesi." Akaulo na Edeke aitodiar ejok noi etunganan ngol. Kobalas kesi, "Kilosi bon oni ageun ekodet loka itunga ido kitarauni oni na, ngin, arai ya, ido kiponi oni aismamaun iriongetawok, kiswamai oni..." Ido apotu kesi kotwaka ido apotu komudiaros.

Konye itunga ngul ajaatar ka Akirot naka Edeke, ido apotu kosalakis ka Ngin, kosodete atubor laingol.

Mere ngin yenegeuni; ngin yenengetakini." Luipu egeunete abolobol, konye ejai Idiopet yenengetakini ngin. Ipu ikanisan luegeunete, igurupun luipu luka itunga. Ejaun egurupu ediopet loengetakini. Ngul kes ikepikorok.

59 Apaaran naka Lot, eebo, kibusakinit ngin ajaun ka adiopet ngin naepol, angoliar kau. "Oo,auta eong ajalakin Mutan-ka-mutan kangina, apakio ngun nukajokak nuedila isio ajaununor. Mam kemurwokinet eong ngun." Ido aponi kikamunai ngesi, kogoloroi kinga, bala kwa kapaarasia nuka Nua. Aponi kogoloroi ngesi kinga, komam aitim,ido abu komudiar. Kosodi e-ebwoi alunguret ngin kangina lolo. Ebalasi kesi (mam eong ajeni) ebe ipedori jo apakun atutubet kamake ido ebongokini bobo apoloun, epir loka abalang. Kianyu jo aputo ngin naka Sodom ka Gomora, ibuni jo aanyun epir ngol loka abalang ngol logeunet loabwoi kanen.

kwana, ejai atiaketait kiding epir loka abalang ka Epir loka Akim. Ianyu? Ibusakinit jo aibelokin kopone ediopet. Ee.

60 Koany, kotoma apak naka Yokana Lokebatsian. Kotoma apak naka Yokana Lokebatsian, apotu kodumunos ikanyikape lukepotu kipikosi. Aturio kere, ajaatar ka ikepikorok. Kotoma apak naka Yokana

apotu kodumunos ikanyikape, ngul ke Yosep ka Mariam, Sakaria ka Elisabeti, Simeon ka Anna. Aberu ka ekiliokit, aberu ka ekiliokit; koany aitupuset naka Kristo, Ekanisa; Kristo, Ekanisa; Kristo Ekanisa; Kristo Ekanisa. Ianyutu? Ianyutu?

Koany, egeuni kama ka etunganan lopeduc. Mam-...Mo-...Yosep, etunganan lopeduc, Yosep, inyobo arai ngesi? Ekekeon. Kosodi konyet esasedoti, kerai bo ngol inyo, koany? Ekejanakinan kotoma togo loka Ejakait; Sakaria. Ido kama kanen, mam ajai Simeon, enabi ka anabi. Ianyutu?...?...Aitojokio, aitesegaario, aibatisao naka Emoyo Lokalaunan. Amen. Mam yesi iteete ngun? [Ebala atukot, "Amen."]Kaitekooro cut. Ikanyikape kes apotu kipikosi. Luce luideuna kakesi, apotu koinakis akecesubanit ka nginibore kere, konye Aseunitai lu. Apotu kipikosi.

61 Koany kanginitur naka ekanisa. Ipikorete ngupengul na kesi, okoku kere kotoma kanginitur naka ekanisa, abu kipiko aitemio naka atur kangin. Kijaar eong ka Nuiwadikatai kane. Mam eong aomit kijaar oni cut oni teni kapak adaun ngun, kijeni oni nginidiopet kotoma aturio kangun. Kwapekwangin kwana. Eputos bala itunganan yen erai...

Koany, kwape sek abalar eong kageunet, kiuruunio ijo irai yenipikoritai. Ido auriongin mam epedori ayangaun ijo toma-toma Aijar, naarai kiuruunio ijo irai yenipikoritai. Ido ijai jo toma akwap naipikoritai, kiding otunga luipikoritai, kiding aiyuuneta nuipikoritai, odiinin luipikoritai. Ibusakinit jo adolokin toma aipikor kopone ece.

62 Eputosi bala apecelut. Neejai...Apecelut, erai adiopet kotoma atur nuibusiak aitelekaar kanu ejaasi. Kaminakinitos eong apecel nukapolok ngun nuka akipi ka akorom. Aomit eong emamei ibore yen iiriana atemelel kwape akoromit, konyara jo ngin apecel naka akipi. Epone lo emwekimwekio! Kwana, aibo ebunitor ngesi? Erai ngesi icokat yenedit, kokwap kotoma kwap naka eporokoca loka atapar, orit. Ido icokat yenididi ngin, kwabo, amwekimweki kere naebuni aica kotomake, ejai tomake nepenen kapak kangin, naejaar ngesi toma orit ngol. Konye ibusakinit nges autakin, nginipaaran, kojeni ebe ejai ibore. Iriono cuc. Imodokok. Erurut. Kotoma arurut ngin naejari ngesi kotoma, konye ca eridun ngesi kuju aitorunorit, oporokoca, ka akipi, ka aiboisio nuesiposi, kiton naipelunio akekou kuju, toma aica, kosodi aitodiar ngun nuebwaitai kotomake apak kere.

Aomit eong ikepikoron nges ngin, ebe, ajai toma adiakar, eswamaenene iboro luarokok, siri kiyalongong ngun kwana. Abu kiswamaenene iboro lukarokok, sek, kwana kanukinyo isesenio toma atapar bobo? Koany, ijaatar jo...

63 Edeke, kanuka ainerun ke nasek, teijo, ayangau icokat yen toma aijar, ido ejai nginilopet aridun, teijo, abunore toma aica. Kosodi kwana aidokokin nejaasi ngun kere, epiko ngesi. Ianyu? Mam ilopet epedor aitejenaar kokwap kangina. Ejai ngesi alomun kuju kanu aitodiar ilopet.

Mam da jo ibu, kotoma akon-akon adiakar, ka adoteu, ka nginibore kere yenibu jo kojar kotoma. Mam idiobore yenibu jo kitodia. Konye ajai icokat toma nen, ido abu kodum arereng na aridun ilopet toma Aica. Ido kwana ijai jo toma Ajakut naka Ejakait Yesu Kristo, nepepe ka Aica naka Okoku. Abu ngin kitolom kaitebeikin ibore yenisek kirai jo kotoma ageunet. Ianyutu yesi nuapeleikinit eong? Ibu jo koany Aica. Ibu jo kolomu kinga. Ibu jo kongaa ekonitau, ido kereka kwana irai jo apecelut.

64 Iitunitosi yesi alimonokinika naka apecelut? Reverend Lily, epone loiswama ngesi. "Ido,kereka, mam nges eojie. Karaida, Solomon kotoma aibusesuke kere, mam isirit bala adiopet kanu." Nges-nges-nges-nges-nges...Kongolek ngol. Erai ngesi loekapakina aina-...Mam ngesi eyangaari idiobore kanukeng elopet. Mam apecelut epodo idiobore kanukeng. Inyobo do iswamai ngesi? Ngesi-ecakuni ngesi akeibuses kinga, akeijar, tetere luce epedorete asesen. Erai akeijar naitodiaritai kokinga, tetere luce epedorete aanyun aibuses ngin, ngun nuejaas tomake, nukejaas tomake kotoma orit kangol. Kwana do ejai ngesi kuju.

Ngol nges ekepikoron. Abu ngesi kipiko erit. Abu ngesi kipiko iboro luka akwapin. Kosodi kwana do ijaikina ngesi elopet kinga kalacakina. Epedori nginitunganan asesen ngesi. Aijarake, mam jo ipedori alimun adiokirot naikamunit ngin. Ianyu? Erai ngesi ekepikoron. Emamei idiobore ipedori jo alimun kanuikamunitos nges kwana. Kotema, "Abu ngesi kolom kinga kotoma orit." Konye mam kereka ngesi ejai orit kwana. Ejai ngesi kuju naka ngol. Amen. Mam kwana jo ipedori adodit kau ibore yenisek arai ngesi. Inyobo kwana erai ngesi? Ejai ngesi kuju.

Konyet do kobuni au aitorun nen ido kobala, "Erai ngin eurua loeur maa. Eyuunit eong alosi eong kasodi alemun owaika."

65 Engaari bon ngesi eketau, "Kobia cut kopekwana. Mam ace." Nginibore kere imedauni kamake. Ianyu? Erai ngesi-erai ngesi ekecokon loteni. Itodiarit ngesi aibuses naka Edeke. ido kongolek ber jo neabunio ngesi. Abu koraun ngesi aipikor, tetere aswam ngun.

Kadiopepak, ngin arai ngol arai ikatumunan ido kibus, kotemelel. Ajaatar kesi ka aitemisio nuipu nuapotu kitoroto, konye apotu kesi kipikosi ngun. Ianyutu? Apotu kesi kipikosi. Kwana do ejaasi kesi aitodiarit atemelel nateni naka Kristo kotoma aijarake. Koany, aitodiarit, kotoma orit.

Abu Yesu koinak oni aitupuset, epone lokiswamaet ngun. Kwana ikoto oni ajenun epone lokipikoret. Abu Yesu kolimok oni epone lokiswamaunet ngun. Ianyutu? Aitasiono! Abu kolem aninaet, koenik angabeteKe, kogeu ailot ikekesisiak akeje, ka anina kes kaninaet nakenapit. Edeke obe loka Akuj abu kitidisiar Elopset.

Mam oni kikoto aitidisiario. Erai kanukangun nges mam angor ekototor ikecetim apoloun, teijo, akirot na mam kes ekototor ainap kwa enapiata amucaalan. Bala, mam ikiliok ekotosi, teijo, ibore ngipengin. Mam kes ekotosi. Kesi-itidisiariokes.

Konye, Yesu, kainyikokinit! Kongolia ber jo Ingai arai Ngesi. Apolou! Alosi eong alimun ibore. Apolou itidisiar alopset bon. Apolis itidisiar alopset bon. Apolou!

66 Abu eong kajaunotor ka arereng na adumun, airiamun kice kotoma otunga lukapolok. Ido erai ikesa lu luejaatar kigoen lukijulakina, ka ikapun akaisakany kotoma ocokec, ido aiyekiyek, ngol nges ekesa loemit ebe erai ngesi ibore kwabo komam nges erai idiobore. Konye abu eong kabwo kodie naka itunga lukapolok, abala eong itunga lukapolok konapitos igoen luecilicila akanin, ka atokito nuka igoen. Kijaikinete jo aomit ebe ijo nges etunganan lokapolon. Ianyutu?

Apolou erai aitasiono. Sirikimurwokis ngun, Ekanisa. Erai apolou ibore yen itodiaritai kotoma aitasiono, mere itia ai ijo ipedori araut yenijok noi.

Mam kereka eong abala ebe amodokok, kwana. Eong-apeleikinit eong aitasiono kotoma omoyo. Ianyu? Mam eong abala ebe bon al-alomar kinga kosodi mam cut aicu ka ailonganar. Ngun, ibusakinit jo aswam ngun. Ijenete yesi ngun. Ianyutu?

Konye enera eong nukamunitosi aitasiono, aitasiono nateni cut, mere ibore ice yen-enapakinitai. Ibore yenerai ngin, yenerai aitasiono nateni teni.

67 Abu Yesu kolimok oni epone lokiswamaet ngun. Abu Ngesi kipiko. Apolouke...Aipikor apolouke "abwoikin aitemio," erai ngin nakabeit, kwape apotu lukalaunak lukolo kiswamata; kwape abu Yesu kiswama: kokiding naka lukasurupoKe kere, abu Ngesi kobwoik aitemio. Nginibore yen aponi itemere Ngesi, abu Ngesi kobwoik ngin. Kaneajaiadek, kwabo korai Ngesi Mesia, abu kitangaleu kes. Kaneajai atwanare, abukitajaru ngin. Ko Kalvari, atwanareKe Obe, abu kipiko ngin kanu aijaikin Ngesi Elopset. Kanukinyo? Kanuka Akirot. Kobala, "Kotiyaikisi yesi Eyekalu lo, ido adukokini Eong apaarasia auni." Abala Akirot kwangin. Ianyu? Ido kane ajai atwanare, abu Ngesi kipiko ngin. Abu Ngesi kipiko atwanare. Kane ajai okatwak, abu Ngesi kiteleka okatwak kosodi aipikor okatwak. Eebo. Kane ajai ates, abukipiko ates. Kanukinyo? Kere kanuka Akirot, ka aitasiono. Oo, ikatuan! Engol kanen Etunganan loteni. Engol kanen lokitarauna aanyunetekon. Ianyu? Abu Ngesi kiteleka nginibore kere, abu kipiko ngun.

68 Kongolek. Acodunio arai kanuKeng. Ijenete yesi kwangin? Ebalala Ebaibuli, "Aponi Ngesi kocodunai kakiro kere airiaka kaoni, komam adiakar." Aponi Nges kocodunai kanuka-kanuka aimat ajon. Aponi Ngesi kocodunai kanuka angor. Aponi Ngesi kocodunai kanuka nginibore kere yen epedorere acodunia. Aponi Ngesi kocodunai kanukanginibore kere yenikirai oni. Arai Ngesi Etunganan, konyeca mam ijo tikipe do aibwaikin emacar mamaKe. Eebo, cut.

Aipikor apolouke nges "ajenun ajokit kotoma nginidiopet nuka acoasineike." Itunga luipu ebalasi "emamei ajokit. Erai bon ngin aomisoit." Siri jo kiyuu ngun. Ejai ajokit na teniteni. Erai ngesi kwape naejai kwape ijaar jo arai idiotunganan. Ajokit na teniteni, ido ibusakinit ijo ajenun ngesi kwape iboreilopset. Ibusakinit jo aijen ebe erai ngesi ajokit. Kosodi konyet, apak ngipengin na ijo-na ijenunia ijo ngesi, kosodi ajenun ebe erai ajokit ido erai loitepegitjo, konyet do, tetere aipikor, ibusakinit jo ajenun ebe Edeke loejai tomakon epol adepar ido egogong adepar ngesi, ebe Ngol loejai tomakon abu kodaunite sek aipikor ngesi. Ido, kanuka asianutuKe, irai jo lomam ngesi epedori. Amen. Engin aipikor na teniteni, naijenunia jo.

69 Ingoliari jo kau, kotemari aiar, "Eswamai eong nu ido eswamai eong ngun," dodo, mam, ijo-ijo, Ketelekaritai jo.

"Konye emamei atubokinio mama ejaasi ngul luejaasi toma Kristo Yesu, lumam elosete atupar akuan, konye Emoyo." Kanen do ijenuni jo ebe ipiko jo.

Ido ijeni jo ebe erai ngesi ajokit.

Mam jo ipedori atemar, "kijaar eong ka adeka, ido eong-eong-eong-eong-eong mam eyuunit ebe erai na adeka."

Oo,eebo, erai ngesi adeka.

Ijaatar jo ka engoti, ijo "mam iyuunit ebe erai ngol engoti."

Eraiengoti. Erai engoti.

Konye, kiitunite, "Epol loejai tomakon adepar ngol loejai toma akwapin." Ibusakinit jo ajenun ebe Emoyo Lokalaunan ngol loejai tomakon abu kodaunite sek aipikor ibore yen. Ido ejai Ngol tomakon, ido ipedori jo aipikor kanuKeng. Erai cuticut ngin nakaijen, erai ngol nges cuticut epone loiwadikaterere Nuiwadikatai Obaibuli. Aipikorit!

Ibusakinit eong aisunyakini. Adau eong adakikan akaisaongon-kikany kwana. Ajai kwana eong adeparit apak kwana.

70 Koanyutu, aipikor! Edeke loejai tomakon epol adepar ngol loejai tomake. Edeke lokakwapin mam erai kwape loepol kwape Edeke loka Akuj, lo da ejai tomakon, kwape mam epedoria amuton aibwo kotoma ajakut naka aica.

Aso, mam amuton epedori aibwo kotoma ajakut naka aica. Mam eong apodo arai emutono biai, itacauni aica nges. Mam epedori aibwo. Aibuses! Konye koyanga ber jo amuton kere naikoto jo, kosodi aitam aibwo aitepeg aica kadiopepak, koany nuapotu kotakanut.

Erai Ngol nges ejai tomakon, erai Aica. Ido je loejai toma akwapin erai amuton. Aso, adau Aica aitogogong ebe ipikorit amuton, ido etunganan loejai toma Kristo ejeni ebe adau Ngesi aipikor iboro lukakwapin. Amen. Emameete bobo ngesi arukanasia mamakon, nepecep da. Ilacakina jo. "Kolosenenete kotoma Aica, kwape ejaar Ngesi toma Aica, ido Aokot nuka Yesu Kristo kilongarete oni adiakar kere, ido kijai toma oidicane idiopet ka yenice." Aso konyet yesi.

71 "Ngol loejai tomakon epol adepar ngol loejai toma akwapin." Kwana, arai kingolia jo kau kosodi kopup jo atubokinio apolouke iringa jo ijai toma akwapin. Konye arai ijari jo kuju naka ngun, apolouke ebe Ngol loejai tomakon engareniki jo aikiar adepar amuton.

Bala apecelut, ejai nges ikeuna kuju naka erit. Ejai ngesi kuju naka amuton naka akipi nuk'orit. Ejai ngesi toma aica, ailoreunit aibuses naebwaikinitai tomake eringa ngesi kejalakina erit. Amen.

kwana eong-apupi eong bala Ekristayot loiworoi. Ibore yen kejai toma nen kanuka Edeke, kageunet, abu koridun aitorun nen, aipikor. Abu kipiko abubuket. Abukipiko akipi. Abu kipiko nginibore, ido arai ikepikoron, kosodi ailoreun atemelel ka aibuses naka Edeke.

72 Epone ngol nges iswama ngini ikeyuunan. Epone ngol nges abu Noa kiswama. Epone ngol nges abu Lot kiswama. Ngol nges epone. Kongolek ber jo epone kamunaar kanajai ngol toma. Epone ngol nges abu Musa kiswama. Epone ngol nges abu Yosuwakiswama. Epone ngol nges Daniel kiswama. Epone ngol nges apotu Shadrach, Meshach kiswamaatar. Epone ngol nges abu Yokana Lokebatsian kiswama; Sakaria, Elisabeti. Epone ngol abu Simeon, epone ngol nges abu Anna, kanginidiopetkakesi kiswamatar. Apotu kesi kipikosi erit loalukunit kesi ido kileleba tomakec. Apotu kikeutu akecekwes kuju naka ibore kangin, kosodete acaun ailiya Abuses naka Edeke. ngun kes iswamai Ekristayot loteni.

73 Kiitutu, abu Yesu kitodik Ngin epone loiswamaere ngun. Apaarasia akaisaongon nuka acodunio, aponi kocodunai Ngesi adepar kere ne epedorio acodun etunganan edio kere, kotoma acodunio naka Yesu Kristo. Koany. Abu Ngesi kitodik oni epone loiswamaere ngun.

Kwana do agolokini eong, kotoma adakikan adis.

Kongolek. Abu Ngesi kitodik oni epone loiswamaere ngun. Opone bo ali abu Ngesi kiswama ngun? Kanuka Akirot. Opone ngol nges abu Ngesi kiswama ngun, naarai arai Ngesi Akirot. Ido abala Yesu, "Arai isalitos tomaKang, AkaKiro da tomakus," ijai kwana jo abongor toma Akirot bobo, Akirot naka aisumunet. Inyobo Akirot naka aisumunet neejai nginiKristayot? "Epol Ngol loejai tomakon adepar ngol loejai toma akwapin." Dobodo biai epikoria eong? Mere eong, konye Akirot ngin naejai tomaka. Erai Akirot Edeke. apolouke do epikori eong iboro lukakwapin, naarai erai Akirot kotomaka. "Arai isalitos tomaKa, AkaKiro datomakus, kilipata do nuikotosi kere." Bon kiyatakis aridun kuju. Ijaas yesi adolun kuju, kwape naejena kwape idiobore kere. Ianyutu? Ibusakinit yes adolun kuju.

74 ApaarasiaKe akaisaongon nuka aitemio, kanuka Akirot naka Edeke abu Ngesikipiko. Akoto ber eong alimun ibore kane kanu adakikan adis bon. Abu Satan kokubokin Ngesi kasuruokineta auni nuepolok kotoma aitemio kangin. Kosesen. Erai duc kotoma nuuni ngun. Siri imuruok ngin. Ianyutu? Abu ngesi kokubokin aatenak auni nuepolok, anyoun kokuju cut kiton kwap cut. Abu ngesi kotam nuapedori kere aipikor Ngol. Konye arai Ngol Akirot. Amen. Inyobo abu Ngesi kitwasam? Ngesi Elopet, Akirot. Asuruokineta arai nukerururu auni nuka Satan nuepolok mamaKeng, konye abu Ngesi kiriamakinos kangun kAkirot. Kanginisuruokinet kere, apedori aipikor ngin kAkirot. Kosesen na kwana, ageun kanaikiara kakere kiton naijesara kakere.

75 Nasodit naabu ngol kitebeik asuruokin, arai aitwasam apedoriKe naepol. Na da, ajeni Ngesi ebe arai Ngesi Akirot. Ajeni Ngesi aiboisiKe. Iyuunitosi yesi ebe ajeni Ngesi? [Ebala atukot, "Amen."-Ekewa.] "Eong Okoku loka etunganan." Ajeni Ngesi aiboisiKe. Ido abu Satan kobu ido kokoto Ngesi aitwasam apedoriKe Elopet kamaKeng Kelopet, aitania Ngesi, akoto anyamia Elopet. Ariebi Ngesi etengei. Arai kerieb

etunganan etengei, epedori ngol aapikin aswam idiobore kere. Ebuni ngol akoko, aingat, ailipilipitoi, aibaany, idiobore kere. Ianyu? Ajaatar Ngol keipud loka ainyam. Ido abu Satan kitwasam asuruokineteke nasodit naepol mamaKe, alemun apedoriKe ngin naejaikinitai Ngesi aipikoria ido ti aitwasam ngin kanuka Ngesi elopet. Mam Ngol abu kitwasam ngin kanuka Ngesi Elopel. Mam Ngesi abu kitwasam nginkanuka Ngesi elopet. Mam. Abu Ngesi kitwasam ngin kanuka luce. Erai ngin nakabeit. Abu Ngesi kitwasam ngin kanuka luce, mere kanuka Ngesi elopet. Mam ngin arai kanuKe. Karaida, ti Ngesi epedorit aswam ngun. Komam abunonokin ti Ngesi epedorit aswam ngun.

76 Konye koany epone lo edumununa ajokit? Ekoto ajokit jo apodokinit ngesi. Apodo bon Ngesi nuabala Papa aswam. Erai ngin naedolit.

Kobala ngesi, "Kanukinyo," abala Satan, "iwadikatai, 'einakini Ngesi imalaikan aidar...'"

Kotema Ngesi atiar, "Eebo, konye iwadikatai kereka bobo da..." Iany? Aso konyet jo. Ianyu? Ajeni Ngesi ibore yen arai Ngesi. Abu Satan...

Idulo aomisioid adepar nuka Ngin nuiwadikatai. Ianyu? Aiyengakinet keng. Ecokat ejai toma naka Ngin, teijo, ibore yen teniteni erai Ngin.

Karaida erai Ngesi lo tikepedo aswam ngun, mam Ngesi abu kiswama ngun. Konye Ngesi-mam Ngesi abu kopupok aicoretait naka Satan.

Kwana, ejai ne ibore yenejok. Ianyu? Kacepakio epedori Satan ayangaar jo, ido naiwomitor jo ebe ijai jo aswam akote naka Edeke, kwabo eyangauni ngesi aicoretait mamakon, kocamuni jo ngin. Eebo, cut. Epedori cut ngesi.

77 Kwana kayangasi ber oni, kwape na anyunet, bala ainacanawok. Eraasi kesinuibusiak. Kwabo epedori ngesi aitodol jo toma aiboisit, ebe, ijalakini joitimakon apoloor, mam jo ibu kojoni ebe erai ngul luejokak noi kamakon, ido, ibore yenisodit ijani jo, kopupuni jo epoget edio bala iraun jo yenikiara-kuju, nepetai aitelekaar ibore ice kere. Ice kayesi ikiliok, ijenete nuabala eong. Ianyutu? Ido epedori ngesi ayangaar ibore ngipengin kosodi aicoria jo. Erai ngin nakabeit. Teijo. Ibusakinit jo aipikor ngun.

Kiitubon ebe, ijari jo kanuka Edeke. Ijaatar jo kalosikinet adiopet, ido ngin nges Yesu Kristo. Kinga naka ngin, emamei icebore yenepol. Ngesi nges Ngol. Kosodi konyet iareikini, kanuka ekalekon. Konyet do, iunikini ijo ilopet. Konye ber, nasodit, kanuka Edeke; etupakini, kanuka ekalekon; kosodi etupakini kanukon. Ijo nges yenikiuniet; kodaun. Kibwaikin jo ilopet araut yenikawasia; abu Ngesi kiswama ngun.

78 Kongolek ber jo nutikepedo Ngesi aswam. Abala, "Ti Eong keworo PapaKa, kasodi aingainga Nges, kijukak kopekwana Eong iriongeta itomon kaluarei luka Imalaikan." Kwabo, ediopet Kakesi tikepedo amudiar akwap. Kobala, "Karai AjakanutuKa korai naka akwapin kanu, ti kejioto ikatunga. Konye AjakanutuKa erai nako Kuju." Aso konyet do yesi. Ianyutu? Ti kepedo Ngesi aswam ngun, konye mam Nges abu kiswama. Ianyutu? Karaida, ti Ngesi epedorit aswam ngun. Mam Ngesi abu kopupok aicoretait kama ajai Satan.

Kwana, ipupunitor jo itunga ebalas ebe, "Arai iyuunit jo ejai-ejai eketangaleon loka Edeke...arai irai jo Eketangaleon loka Edeke...Ape ber jo koom eketangaleon kon loka Edeke. Kijaar eong ka etunganan kalailo, edeka. Akoto cabo eong aanyun nges itangaleuni ngol." Ianyu ajokit ngipengin? [Ebala atukot, "Amen."-Ekewa.] Etamit ngesi aicorakin jo nukiswama. Euta ngesi atamit aijaikin jo aipup ngesi aibois naka Edeke. konye loteni, ebulesit lokabeit loka Edeke ebuni apupokin kosodi aanyun nuebala Papa, nasodit ber. Ianyutu?

79 Bala ikoku yenididi ngin yenika Stadskev, naejukuniata kesi ne. Kosodi Ajkt. Stadskev atemar atiar, "Onac Branham, enomunit eong esimu ko Germany." Ajai nen ajore naka Amerika kojai edege kec e jet kinga nen oisawe, ido abuni adakar eong ayangar Germany ka ainyakun da, kotoma apaaran adiopet. Arai ngesi ekejanakinan loka ediini. Ido ajai ikoku eperi kanen, etwanit. Ido ajai totoke ngin ilulue, kotema ngesi atiar, "Kopupok!" Kobala, "Ajani eong. Abu eong kabwo kanen ido abu kaanyu aberu ngin adakit ikoku ngin kakaninike, yen abu kotwana atupuruc ngin. Abu eong kaanyu Onac Branham elomari kinga nen, aidokokin ikoku ngin akanin, ido abu kojaru." Kobala, "Ikakoku yen, Onac Branham." Mam iiritor atwanare ajaun okalekec. Ianyu? Idoibore nginicici ngin abu kodekakin atupuruc adiopet kosodi atwanare atibong ngin.

Kane ajaasi kere ebwoete kanen, ido kojaasi aijaikin adwaranuto ka iboro, "Ebeit ikoku yen ajarun," ido kere kopone kangol.

Katema eong atiar, "Eebo, erai ngin naejok noi, Iinac Stadskev. Konye mere bereong kaany nuebala Papa."

Abu eong kaloma kinga amagoro. Ido abu eong kelip. Kabonguni do eong toma; adaunit ngesi ainomun esimu irwan aarei arai auni eringa eong kebongoro atupuruc na atupakini. Mam idiobore.

Kotema edokita atiar, "Mam ace." Kobala, "Arai erai kwangin, arai ijaatar yesi kaiyuun kopone kangol, amucaalat, mam cut isio kicamakini ikoku kitonyounai kadekis. Kosal ngesi eperi kanepokane. Kosalakisi yesi ka nges nepene. Mam ace ngun."

Abu Onac Stadskev kolot aanyun ekapolon loka ajore. Kotemasi kesi atiar, "Eebo.Kiporunio isio ngesi laingol, ka ainyakun da ngesi."

80 Ido ajai edege ebwoi, idarit, apororia eong laingol atupuruc ngin ka ainyakun eong akuare ngin, alosit Germany, Heidelberg, Germany, kanu aitajarunio naka ikoku kayen. Katema eong atiar, "Eebo, epedori Edeke aswam ngun, konye kaanyutuber oni anyoin bo aKekote."

Kasodi konyet eong alosit kinga, ailip akuare kere. Mam ibore abu kiswamaun. Abongun tupurucuke; mam ibore abu kiswamaun. Kasodi eong ti alomar agola. Kapak kangin abu eong kangolia nen, kwabo ajai Aica ngin ebwoi ikaja kanen kokek.Kobala, "Sirikitap ngun. Sirikitoron ngun. Erai ngin akan naka Edeke."

Nges eong ainomakin ngin esimu. Katema eong atiar, "Iinac Stadskev, konukikonikoku. Erai ngin akan naka Ejakait. Erai ngin akote naka Edeke. abuni icebore atakanikin ikoku ngin acepak kotoma apak ace. Koosik nges kolot cut neejeni Edeke neejai ngesi. Ipedori jo alosit mamake kereka. Ejari ngesi, mam jo ibuni. Koosik nges cut kopone kangol."

Abu ekalimonokinan lokapolon ngol loka Lutheran kiwadik ebaluwa ido kobala,"Epone loapedoria eong aiyalamikin, ebe, abu Onac Branham kidareu aitojokaaret-naecai naka Edeke, eringa ngesi kelimuno idiobore."

Nges bo ngin. Kosalakisi ka nuitojokit Edeke.Komam apodo nuebalasi luce, arai nupekere erai, mam icamuni aicoreta nuka Satan, nepetai da.

81 Arai ketema Satan, "Kwana kereka, aibatisao naka akipi, kokiror loka 'Papa, Okoku...'" Arai erai ngun, karaida kiner ngesi, koosik jo ngun. Abala Edeke kopone ece. Arai ketema ngesi, "Irai jo etunganan lokajokan, mam iburai jo araut...Irai jo aberu nakajokan, mam jo ibusakinit aswam..." Mam icamuni akekiro. Arai ebala Akirot ibore yen egelara, kosalakisi jo ka Akirot komam apodarai inyo ngin. Ngin nges aanyunet naabu Yesu koinak jo, ido engin kanen asuruokinet ngin nakapolon, teijo, naabu ngesi kokubokinor Ngol.

82 Kosodi konyet, asuruokinet naiareit. Esunyakini kwana eong. Esubit cut bala ekeri apak noi. Asuruokinet nakapolon naatupakini arai, naabu ngesi kokubokinor Ngol, ebe koraun Ngesi ti loejenaara.

Ido epone loinomitor ngin ibulesin luka Edeke, araut yen ijenaara, aitodiar nuipedori jo aswam. "Aibuses kojai neejai Edeke! Aleluyiah! Arai eong alakunan! Arai eong kwangin." Ianyu? Ianyu?

"Kodoku kuju ne, aidi naka eyekalu, kosodi aiboikin kwap ne." Abu ngesi kocodu Ngol ti aswam ngun. Kwana, kiitutu, aponi Ngesi kocodunai ti aswam ngun, kagogong. Kotema, "Kwana arai ikoto jo araut ibore kotunga, kobwo kane koyekalu, kosodi asomar awai." Ianyu? "Kainakini eong jo naiwadikatai kanukangun, naarai iwadikatai, 'Einakini Ngesi Imalaikan aidar Ijo, kinyek, kadiopak, amoru aiguiquin akeju. Edaki Ngol Ijo.'" Aitaraun Ngol loitodiara, aitodiar apedoriKe.

Emamei ebulesit lokabeit loka Edeke iswamai ngun. Kianyu jo etunganan itodiara, kidedeunite atorob, ka kere opone kangol, bon kiitutu, ejai ibore yen erono kanen. Mam. Mam Edeke ekoto ngun. Abu Yesu kijaik aanyunet. Ti Ngesi epedoritaswam ngun, konye mam Ngesi abu kiswama ngun. Emamei ebulesit loka Edeke loitodiara, ngesi elopet, atamit ayangaar apedor naka Edeke kanu aitodiaror elopet ebe ikiara ngesi itia itunganan ice.

83 Iitunitosi yesi abu Musa kiswama ngun? Iitunitosi yesi ngun? [Ebala atukot,"Amen."-Ekewa.] Abu Edeke koinak nges apedor aswam nupe akoto ngesi kere; abu kitarau nges enabi. Abu nges kolot Atiiba ngin, kosodi ngesi ainom atiiba irwan nakiareit. Arai ngin asurokin akote naka Edeke.

Abala Edeke kolimok Atiiba ngin. Mam inomi ngin bobo. Ibili jo kere a-kerea-aitupuset kane. Erai Atiiba naeponio ainom irwan atipet bon." Konye enera ngol anonoku naka Akirot naeswamaunia ngesi kwangin; mam Ngin elosikino. Ee. Erai Akirot nges ajai alosit. Atiiba ngin nges arai Akirot. Ianyu?

Ngesi, irwan nasodit, abu ngesi kinom Atiiba kosodete akipi alomun. Kosodi akure aajak kesi bobo. Kotema Ngesi atiar, "Kwana kobongo ido kinerakinos ka Atiiba." Aponi bon ngin kinomai irwan atipet. Ianyu?

"Amamus aisilosikino naka Akirot," abu Musa kitijena ngun. "Mam Akirot adolit; abu koraun Ngesi ainomio bobo.

Aso abu Musa kolot kwap ngina kosodi ainom Atiiba kopone kangol, kobala,"Kolomutu!" mam apotu kolomutu, aso abu do ngesi kinom ngin bobo, ido kobala,"Kolomutu" ecorakinit eong yes alomun." Kosodete akipi alomun.



Kotema Edeke, "Kodoku kuju lailo. Kobia lailo. Ibu jo kitubusikin elopet bon. Ibu jo koyanga aKapedor; aibois na aitalaun Eong, ibu jo kitalaun elopet bon. Kwana mam jo ibuni adokar alomar toma akwap ngin. Kiteleuo, kosesen epone loetakania ngin; konye, kane, ilosi kwana jo ajalakin kane cut." Oo, ikatuan! Mam iiritor ajaun idiotunganan yen eputosi ka Musa, ijenete yesi. Mam, mam.

84 Nadolunio ngol aitodiario ngin nepepe ka Yesu, abu kotema, "Kodoka kuju oyekalukane kosodi asomun.

Kotema Ngesi, "Iwadikatai," amen, "Sirikodununei Ejakait Ekonideke." Ianyu? Abu Ngesi kiriamakinos kangol kede Akirot, kotoma kangin, ido Kanginisuruokinet kere naepol.

Emamei ebulesit loka abeit loetami aitodiar elopet, kede-keede apedor nakaEdeke. kismawau ngesi, etwaniari do ngesi kanepakanen.

85 Asuruokinet nakiuniet nakapolon, abu Satan kocam apalikin ajakanut na mamaKeng. Abu kismawau ngun. Kobala Satan, "Iseseni Ijo ajakanuto nu nuka kwapin? Eraasi nunukang. Eswamae eong kere nuakoto kede kesi. Ainakini eong Jo ngun."

Konye, kiitutu yesi, atamit ngesi ti aijal ngun komamei emusalaba. Arai ti Ngesi kismawate kwangin, ti oni kiwolio. Ti bo Ngesi eyangarit ajakanut. Konye ibusakinit Ngesi atupit a...ibusakinit Ngesi abongun. Aponi Ngesi kokodunai ti aswam ngun, kwana. Erai atwanare ibore yen etiono. Aponi kokodunai Ngesi tiaijal ailajaaraKe kosodi araun Ekabaka loka akwap, komamei emusalaba. Konye, arai Ngesi kismawate kwangin, ti iKetunga ketwakata. Akoto Satan kaiyalama naepol noi aijaikin Ngesi aswam ngun. Kotema ngesi atiar, "Kobongo kauKang, Satan." Mam Ngesi abu kismawau ngun.

86 Abu Ngesi kobu kosodi aisiriebio, kosodi ayangaar erot loengenge, loetiono. AbuNgesi koyanga erot loka areo. Abu Ngesi koyanga erot loka atwanare.

Kere kado oni, atupuruc na, kikapakina aswam, ayangaar erot ngopengol loabu Ngesi koyanga? Kikapakina tope oni atwakare? Oni tope kikapakina ajalakin ikulepek mama ejai Edeke, aijal akwapin kere ka iboro, kanu aijaanakin Ngesi? Ianyutu?

Kwana, abu komen Ngesi aswam ngun. Kakapakina a-a aijal ngin, arai Satan, mamaKeng. Konye mam Ngesi abu kismawau ngun. Karaida aponi Yesi kokodokodai, abu Ngesi kipiko kanuwok. Abu Ngesi kongirik acodunio kere kanukang ido kanukon. Ianyu? Ti Ngesi kepedo ayangaar ngin kapak kangin. Konye kanukinyo ber abu Ngesi koyangaria erot loce ngol? Tetere oni ipedori abunore, ajaut nepepe ka Ngesi. Ido arai abu Ngesi kotac kwape etiai kwape ngol, kiraun bodo oni luidisiak biai mam ayangaar ngol? Kwabo, kiitutu, emamei ibore kane, karaida biai.

87 Arai kijar jo adaun ikar akwatat, inyobo kereka ilosi jo araun? Yen ijangakina, ido kodauna aomisiokon, akudokin cut kere, ido komojongite komarani da akuan teletel. Nen ngesi ilosi jo, ido awasiake nges nen. Kobia kwana do jo, kipiko ibore ngin. Opone ali iswama jo ngun? Kanuka Akirot. Nuebala Akirot, kismawau dojo ngun. Kolosenene kaitasiono. Kojar kakonye nuka Yesu.

Abu Ngesi kongirik iboro kere kanukon ka eong. Erai Ngesi aanyunetewok epone loipikoret aturiwok nakaronon, kwape abu Ngesi kipikoria aturiKeng nakaronon.

Kiitunitos, neabunio Ngesi toma akwap, ajai cut amamus aiyuun naetia kwape, arai eyatakina, itia nakejai kapak adio kere. Mam ngin abu kitapas Ngesi nepecep da. Naanyaratar Ngesi ajokit abois Edeke, naanyaratar Ngesi nginibore kere yen apedorio aswam, mam ngun apotu kitapasata Ngesi nepecep da. Ajaatar Ngesi kalosikinet adiopet: Apodokinit Papa. Aricit Akirot." Akirot nges Edeke. Ajaatar Ngesi ka aomisiokit adiopet.

88 Kacepakio kicodunono oni abongor kau. Luipu kayesi, kicodununo abongor kau tomaodiinin, abongor kosodi aseun, naarai akwap kere ingisit kobala, "Irai bo jo lokodiini kali? Okanisa bo ali ilomunitor jo?" kicodununo oni aswam ngun; oni kere kirai. Ainacanawok ecodunono abongor kau, abongor kau ido alomar aimorikikin ka ice kotoma okanisan luce ngul, nepepe kice kotoma luka Assemblies, arai churches of God, araiboot ice kakesi; kosalite irai Pentekostal, ajalakin ikonitima etuborio, ido konapite kopone edio kere loikotor jo. Ianyutu? Kicodunono jo ti aismawau ngun, abongor kosodi araun yen ijenaara kede atur na nakaronon nakijari oni nepepe.

Kwabo, erai na adiakar naepol naka apaarasiawok. Erai ngesi nges adiakar naepol kotungawok, araut luka nukakwapin, kwape abalar Ebaibuli ebe Laodi-...Atur naka Laodikia ebe kerai. Erai ngesi naepodo nuka akwapin, "Ebarit, mam ipuda ibore;kwabo mam ejeni ebe erai ngesi na imujalal, na itimitai, nakican, idoemudukana." Ngin nges adiakar naka apaaraniwok. Naipupunio jo Akirot naka Edeke iworoi asuruokin ngun, kibelokin bodo jo orot je, mam ijo ijenaara ka kwapin. Kicodunio jo abongor kau.

89 Ajeni eong. Inyikokinit jo alimonokin eong. Ajeni ibala jo, "Apak kere." Ajeni eong eteg jo aipup eong enyogonyogoe iboro lu. Keteg eong da asesen yes iswamaete ngun, erai ngin naka abeit, adiakar na

natamit eong alimokin yes nukeng. Itemari jo, "Kanukinyo inyogonyogo jo ngupengun bobo ido bobo?" Koosik aswam ngun, bodo. Atamit eong ayuun akoniijar, kanuka Akiro. Ketegenene kereka eong, da. Aso, bon kitetenaar. Erai na adiakar, mam ibusakinit ti kiswamaete. Eebo, cut.

Kibusakinit oni aipikor iboro lu. Kimuno oni acodunio kanukec, akwapin. "Kiminajo akwapin, iboro luka akwapin, mam do amin naka Edeke ejai tomakon," abala Yesu.

90 Kwana kigolokini do oni, ido alimun nuta. Ejai eropit kanuka ikepikoron.

mere ber eong kasiomak yes ibore kane. Kopukosi kotoma Obaibulinikus. Kalototooni toma Apukokinio, esula lo3, lo2. Kosesen kwana ne, iboro lu kere luajai eong enera nukec, kanu aipikor. Kwana kongolekin ber jo ilopet bon kosodi asesen. Koanyanar ber ijo ilopet kotoma aroet-nakomoyo, koany arai tope ipikorit jo.

91 Kwana, aisiiraret nasodit, neejai e-emalaika loka Epeso, akoto eong yes apupokin nuabala Ngesi. Ido Apukokinio, esula lo2, ekokoro lo7. Erai na mamaejai atur ngin naka ekanisa, naalimokinia Ngesi kesi kere nukiswamatos kesi, "Kepotu kejalakis aminakec nasodit." Ekokoro lo7:

*Ngin yen ejai akit kopup nuelimokini Emoyo ikanisan; Ngin (itunganan, mere ekanisa)...Ngin yenipikori-yenipikori ainakini nges ainyam araito nuka ekitoi loka aijar, loejai paradais loka Edeke.*

Ianyutu? Ikepikorok kotoma Epeso.

Kwana, naatupakini nges Sumuruna. Kwana mama ejaasi ikepikorok kotoma kangin, kipupokini oni nu. Kwana, ekokorolo11.

Mama ejaingin-ngin yenejai akit, kopup nuelimokini Emoyo ikanisan; ngin yen ipikori mamepipilikini cut atwanare nakiareit.

Ianyutu? Ipikorete kesi ngin.

Kwana, ngun, kwana kongolek Perugamo, kidumuni oni inyoin abu ikepikoron kideu kanuka ngol, kotoma kana. Kisiomuni oni ekokoro lo17, mama ejai ekanisa loka Perugamo.

*Ngin yen ejai akit,...*

Ngin, erai ngin idiopet, mere ekodet kere. Idiopet, erai Ateran ngin elomuni kinga, koany jo, Ekanisa.

*Iburai ngin yen ejai akit, kopup nuelimokini Emoyo ikanisan; Ngin yen ipikori ainakini Eong nges ainyam emanu loebwaitai, ainakini da nges amoru naekwang, ido iwadikatai amoru ekiror lokitetet, lomam itunganan ejeni nabarai yen ijauni.*

Eraas ngun mama ejai ikepikoron, yenika atur naka ekanisa.

92 Kwana, naetupakini nges Suatira. Kadumutu ber oni inyo kejaatar ikepikoron kotoma apaaran ngin. Kayangasi oni ekokoro lo26.

*Ngin yenipikori, ka aricit aswamisioka kiton awasia, ainakini nges apolou kama ejaas atekerin: (Erai ngin nakabeit.)*

*Nges da...icokiei kes kebela loka asuat; ido ebwangabwangao kes kwape amoti nuka ekajejan: kwape kainakinia da PapaKa Eong.*

Koany, "Nepepe ka Nges, kotoma OicolongoKe." Kristo nges ebuni aipuga atekerin, kebela loka asuat. Ido ena kane Akanisa naabu kipiko, "Iboie kotoma kanen nepepe ka Nges, abwangabwang atekerin kebela loka asuat."

Kwana kayangasi do oni kesi toma okanisa loka Sarudio. Kwana ekokoro lo5 loka esula lo3.

*Ngin yenipikori itanapio kwangin inapen lukakwangak; kwabo mam cut amwatari ekekiror koitabo loka aijar, eong da alimori ekekiror kakonyen nuka PapaKa, kakonyenen da nuka imalaikan lukalaunak.*

Eraasi ngun neejai ikepikoron kotoma Sarudio.

93 Kwana, kayangasi do oni ekokoro lo12. Kwana, eraasi nu mama ejai ekanisa loka-loka Piladelupia, kotoma okokoro lo12.

*Ngin yenipikori etarauni nges epir kotoma oyekalu loka Edekeka, kwabo mam cut elomari kinga: eong da ewadikakini nges ekiror loka Edekeka, ekiror da loka ere loka Edekeka, nges Yerusalem lokitetet loijesuni abunore kotoma akuj kama ka...Edeke: ekirorika da lokitetet.*

Koany nuisumunitai ikepikoron. Ianyutu?

Kwana, kwana do Laodikia, ngin nges atur naka ekanisa nakawasia. Epote ajaun ikepikorok kotoma kanen. Koany ne. Kesi, kiitunite, kanginitur naka ekanisa, ngin naetupakini irumuni kere ngun nuejaikinitos nuce. Kosesen kuju lailo. Kwana kane, erai akaulo na kes adumun apedorosio nu kere, ikiroria lu lukitetiak, kanginibore kere yeniwadikatai; yenabu Ngesi kisumunite, ka ainyam da emanu loebwaitai, kosodi abunore kotoma kanen kere. Kongolek atur naka ekanisa na nakawasia, Apukokinio 3:21.

*Ngin yenipikori ainakini nges aiboi keong kotoma oicolongoka, (amen), kwape abu kepikoria keboikin nepepe ka Papaka kotoma oicolongoke.*

*Ngin yenejai akit kopup nuelimokini Emoyo ikanisan.*

Ejai eropit kanuka ikepikorok. Kiyatak aridun, apecelut. Arai ejai tomakon, kigaliono erit awai ka nginibore ice kere, kosodi aridun kuju. Eebo, cut. "Aiboik Eong kotoma oicolongoka."

94 Ijenete yesi, kadiopepak, abu toto naka Yakob ka Yokana...Mam oni kijaunor kapak asiomun ngun. Toto naka Yakob ka Yokana abu kobu kosodi aingit kanuka aibois kana. Ijenete yesi ngun? Iitunitosi yesi ngun? [Ebala atukot, "Amen."-Ekewa.] "Ejakait, kocamak okooka kiboikin osiep ediopet, kosodi okooka loce je kiboikin loce ngol. Ngol nges epuda toto kanuka okokuke.

Konye koany. "Aiboisit ngin," abal Yesu, "arai nakinerunitai sek." Mam aiboisit naajai kapak kangin. Kanukinyo? Koany. "Eponio ainakin ngul luitemokinitai ngin kanukec." Inyo? Ediopet loabeit aiboikin akan nakoteten, kosodi ediopet loedunyas ka Nges, aringa erai ekepikoron. Ianyutu? Keringa erai...Abala Ngesi, "Eong-mam erai Eong ainakini ngin. Mam Eong apedori ainakin ngun, konye eponio ainakin ngin akaulo naebunio aitemio." Amen. Ianyutu? "Mam Eong apedori ainakin na. konye kedau aitemio abunore epote kesi aiboikin akan nakoteten kanakokediany. Ejai aur nainerunitai sek idarit ngin kokinga kalaije. Eponio ainakin ngul luisumunikinitai ngin. Eponio ainakin kangina, konye eringa ber aitemio kebuno; ebe mam ber ngol ipikorit." Ianyutu?

95 Itunganan yen abeit ayangar aiboisit na kosiep ediopet, kosodi ece ayangar ngin kosiep loce je, atupakin Ngesi kotoma Ajakanut, aringa ber keinakina, teijo, aringa ber kipikoro. Keringa ber aitemio kedoikino. "Ebuni adoikin koingaren."

Arai kisiriebi oni kanuka Kristo ka AkirotoKe, kiponi oni aipuga ka Nges, naarai erai Ngesi Akivot, kiponi oni aipuga nepepe ka Nges, kotoma Akivot."

Koanyutu. Ngesi, aanyunetewok, abu kipiko, kosodi konyet adokar kuju, akaulo Ngesi aipikor atwanare, okatwak, adeka, ates. Nginibore kere, abu Ngesi kipiko. "Abu do Ngesi kodoka kuju, kosodi aijoreor ikijoreoro, koinakini ainakineta mama ejaasi itunga." Arai ngin Aitutuket Namojong, nepepe ka lukalaunak luka Aitutuket Namojong luapotu kipikosi. Amootosi kesi Etunganan kwa kangol, ido apotu kesi kotwakata eringa Ngun kedoluno nen. Konye do na abunio Etunganan lo, "Mam abu kitukurwo ngul luajotoete." Amen. Mam epedori atwanar, kopone ediokere. Kojar arai kotwana, nanyoin aitegelikinet iswamauni ngin? "Mam ebuni aitukurwor." Ianyutu? Amootos kesi ngol.

96 Karaida Yob kokau kangina, amoot ngun. Abala nges, "Ajeni eong ebe ejari Ekalakunanika, ido kapaarasia nukawasia ebuni Ngol aibwo kakwap." Engol etunganan loadolit, etunganan loetekooro. Abu ngesi koinanakini asubanit. Abu ngesi kismama nginibore kere yen alimokinit Edeke nges aswam. Abu kismama ngun kede kaiyapaara ka ayongit da. Arai ngesi enabi. Kosodido Satan abunore, kanuaitem ngesi. (Kopone kwape loebuniono ngesi aitem jo.) Nunyoika abu ngesi kismama? Abu ngesi kinyikokinite aibwo kanen.

Abuda ber akeberu kolomu kinga, kobala, "Mam kereka jo ikeni Edeke kosodi kotwana atwanare ngin? Irai jo yenikican iboie kanen."

Kotema ngesi atiar, "Inera jo bala aberu nabang." Kwana kereka mam nges abala ebe ebangaana ngesi, konye enera ngin bala adiopet kangun. Ianyutu? Kotema, "Inera jo bala aberu nabang." Kobala, "Ejakait ainakini, ido Ejakait nges alema awai; kituretete Ekiror loka Ejakait." Abu ngesi kipiko.

97 Abu ngesi kipiko nuapotu idunyeta kinerata. Abu ngesi kipiko kere nuapotu imeeban luka ekanisa, Bildad ka ngul kere, kinerata. Abu ngesi kipiko ebishop ka nukinera ngol kere. Abu ngesi kipiko e cardinal ka nukinera ngol kere. Abu ngesi kipiko ediini, nukineraasi kesi kere. Kosodi ngesi asalakin ka aitojokio naka Akivot. Amen. Konyeca abu koyangaik ngesi etiai loka nginibore kere yenikejaatar ngesi, kiton da ikedwe. Arai ngesi aiko abusion kede atibolok, iboie kanu, konyeca abu ngesi kipiko. Ido kawasia naabu esawa lokapolon lokaaitemio kopedoria, konyet do kikokorioros idouon kau.

98 Abu ngesi kosesen nginibore kere yenikaijen. Kobala, "Ejai amuno ekitoi arai ketwana; kojari bobo. Kosodi edoe ecokat toma alupok, ebosiari; kojari bobo. Konye etunganan eperi kojali emoyo; komunaar cut. Ido epote ikedwe, odweke, aitubusikin ka eigwor ngesi; mam nges ejenuni ngun. Mam ngesi ejaruni

bobo. Oo, ngesi ngol kanen. Anyoika bo akiro? Arai eong da, icokat. Arai eong ibore, ebe erai icokat, ido alosi eong toma alupok. Mam eong ajaruni bobo. Aperi eong kanen. Oo, kibwa eong kotoma ates, kidar eong kotoma aibois naka aiyeiyea kiton naetuboror anyunyura Kon. Kotiakak eong apak kosodi atubokin eong. Kwape enyamunotor amor, enyamunete akipi amoru." Oo, kolosi akonye, inera iboro lukere. Apedori ngesi asesen aanyuneta kere ngun kokinga kanen, ibore yen ikerai.Oo, mam nges abu kopedo aanyun ngin.

99 Ido, Iinac Rodgers, iitunit jo apak nalimonokinia eong ngun na edaere Busty. Ianyu?

Epone, lo ebe, "Ti ngol kenamu amoru," epone lo iboro lu. "Oo, O Ijo, kibwa eong kotoma ates, ido kidar eong kotoma aibois naka aiyeiyea." Abu ngesi kinyikokinite aridun. Kotema ngesi atiar, "Arai eong kajeni. Arai eong kajeni ne apedori eong alosit, neejai Etunganan loepedori aibwaikin aKekanin neajai eong, etunganan lokadiakanaran, ka Edeke lokalaunan, kosodi ener mama ejai Ngol kanuka." Oo, ikatuan! "Ejai Ngesi Ngina. Ajeni eong ejai Ngesi Ngina. Ejai Itunganan Ngina yenepedori aswam ngun. Ejai Itunganan kanenice. Aibo adumunia eong Etunganan ngol? Aibo adumunia eong? Abuni eong aikungukung ekekiKe kasodiener mamaKe. Karai bon idiotunganan kopedo bon aibwaikin aKekan mama ajai eong, kosodi neejai Edeke, kosodi-kosodi arucokin erot kanukang, kiner! Karai bon eong kapedo adumun Etunganan ngol! Oo, aibo ber ejai Ngesi?"

100 Abu ngesi kirere toma okanisake. Kedaunit ngesi airere toma oriongeteke. Mam nges abu kopedo adumun Etunganan kwa kangol.

Ido kere atipet ngipengin, apotu idouon kikokorioros kau, kosodi ngesi aanyun Etunganan ngol ebuni. Oo! Abu etauke ngol lomojong kodusaunun kanuka aiyalama. Konyet do abu ibore kiswamaun. "Ajeni eong ebe ejai Ekalakunanika. Ejai bo teni Etunganan kwa kangol." Amen. Eringa Etunganan kwa kangol ejai. "Ajeni eong ejari Ekalakunanika. Ido karaida, akaulo na ikur luka emukule amudiar akuan na,konye ca kotoma akuanaka abuni eong aanyun Edeke, lo da abuni eong aanyun Ngesi eong elopet. Ebuni Ngesi aibwo kotoma akwap kotoma apaaran nakawasia."

101 Katupuruc kangin naka Easter, naajarunia Ngesi kalaingol, ido korai akuan nakaYob namam adeparit aijiiko adiopet naka ekurwon, ajai ngesi idarit. Arai ngesiloko Ogurupu ngol loaseunitai. Abu ngesi kjaru kates kosodi alomar oibuga, nepepe ka Aburaam, Isaak, Yakob, Yob. Oo, ikatuan! Amen. Naarai amootosi kesi Etunganan kwa kangol.

"Ido mama ejaasi ngul luemootos Kristo irwan nakiareit," ngul luepedorete aipikor iboro lukakwapin, kanuka asianutuKe, abunore neejai Ngol, kosodeteamuduk mama ejai ibore ice kere kilema Ngol ka AkeKiro, "Ebuni Ngol atakanun irwan nakiareit kotoma Aibuses."

"Naarai ekutakinio arupepe naka Edeke, ejarunete lukatwak lukotoma Kristo; ngul luejarete ido kosalakinitos eponio aijulakin, katipet, bala airwakakin akongu, kikamarete kuju nepepe, airiamun ka Nges toma apak."

102 Arai arai eong aijiiko adiopet ileleba naka ekurwon, arai acepak kajari eong naebunio Ngesi, mam ngin eyangauni aitegelikinet adio kamaka. Amen. Mam akiro,naarai adau eong aikamun aitapoet. Abu aigalisit konunukoor, ido aseseni eong Ngesi. Ediopet ngol loepedori aibwo, kosodi aibwaikin aKekan mamaka, etunganan lokadikanaran, ido mama ejai Edeke lokalaunan. Ido erai Ngol nges alucet kang. Erai Ngesi Akirot na abwoikinit eong. "Kageunet ajai Akirot." Erai Ngesi nges Akirot ngin, ido ebwoikinit Ngesi eong, Kangina. Amen. Ido abuni eong aikalalatngin, alemar bon nakijaar eong ka eiyengane, "Erai Ngesi Ajarunika ka Aijarakada." Kwabo alupok nuce kere eraasi asinge naejai alumor. Alupok nuce kere eraasi asinge naejai alumor.

103 Kwape abu Ngesi kikamaria ngul luamootos ngun, kwape kwangin ebunio Ngesi mama ejai nginidiopet kotoma lukalaunak luka Aitutuket Nakitetet yenabu kipiko ikesekelok kere lukodiinin, yenabu kipiko adikanareta kere nuejenaara nuka apaaran kana, nuka atur kana nakijari oni kotoma kwana, kwape abu ngesi kiswama kotoma aturio nuka ekanisa nuce kwa, ngul luapotu kipikosi kotoma atur ngin.Ngul bo luapotu kipikosi inyo? "Abarit eong. Mam epuda ibore. Kijaar eong ka...Oo, arai eong nu kere ido nu kere. Ido arai eong Ateran. Arai eong nu. Ma eong epuda ibore.' Kwabo mam ijeni ebe imujalal jo, imudukana."

Ianyutu atur ngin nakengalan na abala eong? Mam eputos kakwi luaponi kotubonoroi akwesikec, kokau kangina, kanu adumun amoru nakakwangan; mere ngul luapotu kotwaka kokwap naka aario kanuka aiyuun, kosodete aicwe kipirin, ka iboro kwa kangul; luapotu kodumutu aboko. Konye erai atur na nakengalan kwana, lueomitos ebe eraasi kesi nginibore. "Eebo, arai eong emeeba loka ekanisa. Ari eong etunganan lokajokan. Arai eong aberu nakajokan. Eswamaenene eong nu. Mam iburai eong aswam Nu."

104 "Konye ngin yenipikori," ngin yenipikori iboro ngul kere lukakwapin luka aturkana, nunyoika epote kesi aswam? Epote kere aiboi ka Ngesi kotoma oicolongoKe; elosete toma Aurupoorio naebunio Ngesi. Oo, ikatuan! Inyobo apodo eong, konyet do? Inyobo kipodor oni nuebalas akwapin? Inyobo kipodor oni ngun nuinera idiotunganan kere? Lokapolon ngol Emoyo Lokalaunan ejai kidingiwok. EpiriKeloka Akim

kingarenikinit oni ido kitetenanari oni. AkirotoKe itodiaritai kwape nakabeit kakonyen wok. Ejai akemina otaw wok. Ejaasi akwapin kau. Kidau oni atuboroni anyoun katwanare alomar toma Aijar. Eomitos akwapin ebe ijangakina jo akou.

Konye ibusakinit kereka Yesu bon aibwok emusalaba lo,  
Kosodete akwapin kere alosit elacakina?  
Ejai emusalaba kanuka nginitunganan  
Ido ejai emusalaba kanukang.

Ikar akaisauni kiuni kotoma omanikor, ido emusalaba lolo ijaikinitai ebwoki eong kiton atwanare alacakin eong.

Kojalak iinacanaka kogiroto eong, kinerata kere nuekotosi ener, inyo aponi kogirere eong. Konye kotoma Akirot na abwoi eong, ido na bon.

Emusalaba lo loijaikinitai ebwoki eong  
Kiton atwanare alacakin eong,  
Kasodi konyet alosit Ore, kotoma Aurupoorio, ainapaboko

Ngun kes nukikoto oni kere. Ngin mam? [Ebalatukot, "Amen."-Ekewa.] Ngun kes nukikoto oni. Erai ngin awok-amunowok ka ailipa wok. Emamete oni ace aomisio bobo, kilema ngin adiopet neejai Kristo. Ido kotoma adoliteKe nges kibwoia, bon, ka adoliteKe kotoma AkirotoKe. "Koraun Akirot akuan ido kibiorori kamawok." Ido eringa Akirot itodiara Alopewok kwape nakabeit.

105 Aipikor bo biai? Kanuka ayangaar Akirot, aisumunet, kolosi kaitasiono.

Emusalaba lo loijaikinitai ebwoki eong  
Kiton atwanare alacakin eong,  
Kasodi konyet alosit Ore, ainap aboko.

Naarai, "naeruiquinio Arupepe ngin!" Ipedorete yesi anukakin eong toma angolol, konye ebuni Arupepe ngin aitwekenyun eong. Abeit. Alosi eong Ore, kadiopepaaran. Amen. Kiton apak ngin eyatakini eong aut, amen, aibwokit emusalaba lo; kedarite akakonye mere asesin itunga, konye Kalvari laiye, naarai arai Ngesi loanyuneteka. Abu Ngesi kitodia epone lokiswamaet ngun. Ido aanyuneteKe, kiponi oni aitup kaiyalama, apaaran ka apaaran.

Atupit eong Yesu nginilamaret akeju naka erot.  
Atupit eong Yesu kanginilamaret naka erot.

106 Mam keraka yes ilelakinitosi ngun? [Ebalatukot, "Amen."-Ekewa.] Oo, epone loamitor eong, atupit Ngesi, apaaran ka apaaran, nginilamaret akeju naka erot.

Kelipatado oni.

Ejakait Yesu, esawa ka adakikan atomonakany kwana, abwoi kane, atamit alemun AkirotoKon ido aitetemikin itunga epone loipikorere. Ibu Jo kolimok isio epone loiswamaere ngun. Mam bon Ijo ibu kolimok isio, konye ibu Ijo kitodia epone loiswamaere ngun. Ibu Ijo kingarenik isio. Ibu Ijo kitodik isio epone lokiswamaet ngun: aijaun Akirot kotomakosi, ka araut lukijeni cut asalakinit toma Akirot ngin, "Iwadikatai," kotoma kanginicotunio; konye araut lukitasiono, alosit kaitasiono. Kanen do kidau isio aipikor kotomaKon, kotoma apedoriKon na da edaunit sek aipikor lokasurup kosi. Ido ibore bon yeniburai isio aswamnges-nges alosit kaitasiono nepepe kaiyuun, aiyuunite Ngun, ka ejenunete kosiloka aitejenunet naka Emoyo Lokalaunan, ido ibusakinit Satan aikunyakini.

Ejaasi iitabalan eperete kane. Ebwoikinitos kesi itunga luedekasi. Ejaatar kesi keipud, wu Ejakait. Ido esiomitos kesi kotoma Akirot na namam ibironor neaponiata kwi kolemununata kakuan naka Paul iitabalan ka igoen. Aponi ngul kidokonokinai mama ajaasi itunga lukadekak. Apotu imoyon lukaronok konyoutu kamakec, ido aponi kismamai aswamisio nukapedor nuepolok. Kwana, erai Jo nges Ejakait Yesu ngopengol lolo.

107 Abu Paul kolimonok Akirot napena, ido abu kiwadik Akirot na, Akirot ngipengin nakitamit isio atupit. Naarai abu Ngesi kolek Aitutuket Namojong kosi aitiirian ngun, kosodi aitoduun ebe kerai aitupuset, ebe Aitutuket kere Namojong erai aitupuset naka Nakitetet. O Ejakait, elipit katupata isio aanyunet ngin.

Kiseseniisio Ejakaitikosi, nuabu Ngesi kismama. Ido kijenu isio ebe, lukalaunak ngul luka Aitutuket Namojong, atupuruc na, kidumu isio ebe apotu kesi koloto. Najarunia Yesu, apotu kouparos nepepe kakes. Ido, Ejakait, kiyuunit isio ebe kiponi isio alosit naekutakinia Ngesi Arupepe. Kiyuunit isio ngun, ebe ebuni Ateran alomar kApaaran kangin ido ebuni aimorikikin ka ekodet loka Iburanian loka Ngin, ido, nepepe, ebuni ajaun ainyam Lukatiibong luka Epeta kotoma Aibuses. Ejaasi ngul aidarit.

Kilipit kwana isio aitimikon ka asianut mama kosi. Ikepikorok, Ejakait, ikepikorok,ngesi kimuit isio araut. Kipiko isio. Ejakait Yesu, ibu Ijo kipiko akwapin. Kwana elipit eong ebe ibuni Jo acamakin nginitunganan kane, atupuruc na, "alacar nginidiakarkere awai, alacar nginibore kere yenelangir yenepatanikinit aigogoleonor sio, tetere kiboloboloi katiting epeget loibwaikinitai kakonyenekosi."

Abu Paul kinerite nu, Papakosi lokotoma Akuj, kalaije kotoma Oitabo loka Iburanian, ebe "Ibusakinit isio alacar nginibore kere yenelangir," esula ngol lo12, neinerar ngesi nu, akaulo na ngesi adaun sek ber aitodiar naanyunet, kokau kangina: ngun luapotu kiyatakisi alosit; ngul lumam apotu kiyatakisi alosit; ngul luapotu kotupata kajalam; ngul luapotu kotupata koiangaren; ngul luapotu kongangatos kokau. Kere abu ngesi kitodia nuwanyunet. Kosodi do ngesi aibelokin kobala, "Kalacasi nginibore kere yenelangir, nginibore kere yenedityenepatanikinit aigogoleonor oni, kaboloboloto katiting epeget loibwaikinitai kakonyenewok; kasesenete Ngol, Ekagean ka Eketodolon loka Aiyuuniwok, Ngol loabu koinak oni naanyunet." Kiswamai isio ngun atupuruc na, Papa.

108 Kwana, kolurete akwesiwok, kwana kongicakin ejok noi, neteni, ejok noineteniteni. Ido, konyet do, korai yen iinakina kaidules. Erai bon ngin-erai bon ngin naeyangaikini...Ngun bon nges eyangaikini: angicakin kon ka ainakina kon. Kocoite jokan noi kwape ijaar jo angicakin kwana. "Kirere eong, Ejakait.Kigimoroi eong. Ejai aronis tomaka? Arai ejai, Ejakait, kocamak eong kalacangin, kopekwana kane kwana. Aibois na, netuluritor eong akou, nges elutariKon.Alacari eong ngin, kanepekane kopekwana, eacakini akakeje mamake. Naanyounio eong alosit, ebuni ngin asalit eperi kanen. Ebuni apedor naka AokotoKon aicwear ngin. Akoto eong araun ekepikoron. Kijaar eong kibore yenitapasi eong, Ejakait. Akoto eong aipikor, atupuruc na. Apedori eong kanuKon. Kalimokinitai eong ngun, kanuka AkirotoKon. Eperikini kwana eong nges kwap, Ejakait, ido eperikini eong akakeje mamakeng. Kwape ajaar eong alomar kinga kotogo kalo atupuruc na, alosi, kajeni ebe ibwaikinitai ngin toma-toma akalaya naka e bleach loka Edeke. Mam bobo eponio aiitun ikar kere. Alimori kwana eong nges ido elipit aitimio."

Nepepe ka kwes elurete, kamudukitos; koomoete itauonowok, ngol nges ekek lo elomarere toma otau, ijenete yesi. Ejai kereka ibore yenikoto jo alacar atupuruc na, ibore yenikoto jo aipikor? Ido itamatam jo ngun kagogong, konye, atupuruc na, ilosi cut ijo ainyein atamatam. Ilosi bon jo acamun ngun nuabu Ngesi kiswama. Akoto eong jo bon aikiar akonikan, kobala, "Ejakait, akoto eong aipikor. Ibore mutan ketapasi eong."

109 Ejakait Yesu, iseseni Ijo akanin ngun. Kwana, kwape ebulesitiKon, kobwo kiding lukajarak ka lukatwak, atubokinit eong nginibore kere yenitapasi itunga lu kaeong da elopet. Ido elipit eong ngun Kokiror loka Yesu Kristo, kipedori isio aosikin ngun eperete kane kolutari loka Edeke, kasodete anyoun alosit atupuruc na, kalacakina kwape ikepikorok.

Arai mam ainacanakosi edumunitotor asianut sek kokau, koinakinai kwana, wuEjakait. Arai mam iinacanakosi edumunitosi asianut, elipit koinakinai kwana. Ido elipit, kotoma aitasiono, toto nepepe kikedwe, aibois naka araut luepogasi. Ejeni ngin ebe itemonokini ngesi...Erai ngesi akalimonokinan mama ejaasi idwe ngul. Aijarake nges erai naanyunet. Papa nges erai loanyunet mama ejai toto, naarai ngesi nges erai akou naka etogo. Ajai toto etamit aipugat nges kanen;mam bobo ngin ebuni aswam ngun bobo. Erai nges akengarakanin. Kocamak ngun, wu Ejakait. Koraunos iboro kere luitukuruonorete isio, luelemario awai.

110 Isio-isio kirai isio lukijaikina bonik, Papa, kanu apak naka ajar naejai iingareni kosi,kajenete nu, ebe iburai isio adolore awasia naka ngin, ido ngin katipet ngipengin. Aso, atupuruc na, kiyangari isio arereng na, akaulo naka Aisiiraret kana. Kiyangari isio arereng, wu Ejakait, abunio, naarai icorakinitai isio aponare. "Kowoikis Nges aiyalongongo kus, naarai epod Ngesi yes." Ajeni eong ipodo Jo, wu Ejakait. Ibu Ijo kopodo neilesikino kiton Jo atwanare kanukosi. Ido cuticut kipedori isio apodokin neilesikino abunore kasodete acamun ngun nuibu Jo kotwania.

Kitalau isio, wu Ejakait. Kileleb isio irwan nakitetet ka Emoyo Lokalaunan.Korau Emoyo Lokalaunan loeyait kotoma otauonokosi, kapolou kere, ebe kiponi isio alosit, kimuruokinitosi iboro luatuboros, amodokok ka erit lukipoukajariata kolo kotomakec. Kiponi aridar kiton aigerosit naka anyarit nakokuju, neepedoriata Aicakosi aica noi kotoma ajijim ka aitasiono, kiton nginitunganan kere yenejai atubor kanen epedori atemar atiar "Ejai Ekristayot loiboie kanginakorongat kangol. Etunganan ngol, aberu ngin, ekiliokit ngol, erai teni cuticutaturot naka Edeke naijaikina. Ejijim noi kesi ido esiaka noi, eraasi duc lueminaaka ido kojijim, ido kojaatar kaijen." Kocamak ngun, Papa. Karaut isio luikonyit abalang, tetere akwapin ejakit akure; kocamak ngun, wu Papa; ido kepikosi iboro lukakwapin kanu, kosodi nukapod naka ajar kana. Kokiror loka Yesu Kristo. Amen.

Apedori eong...

Kwana kekiasi cut oni akaniwok.  
...Eketajaran...

Enyarit inyo? "Kodoku kuju, alomun kinga korit." Aijar naikiara itia;ejai Ibore ejai tomakon, iriit jo akan ngin. Inyobo ngin? Erai Ngesi. Kokwap kotoma orit, ituro ludidik; ijaatar jo kaijar kotoma kanen, eriduna mamakon. Ngin nges kinyarit jo, "Kodoku kuju, alomun kinga korit."

Atupakin,atupakin...

111 Kwana, ipeleikinitosi yesi ngun? Kwana komudukoto.

Neingarenikini Ngesi eong atup-...  
 Kwana kijaikin ilopet bon. Kolosikinite ngun, kwana  
 Neingarenikini Ngesi eong atupakini eong,  
 Neingarenikini Ngesi eong atupakini eong,  
 Kiupakin ka Nges, ka Nges, erot kere.  
 Neingarenikini Ngesi eong...

Kajijim cut kwana. Kiitutu, kiperikin ilopet bon nen.  
 Ingarenikini Nges...

"Eperikini eong ngin nen, Ejakait. Alosi eong atupakin Ijo, amear kwana kiton. Acamunit eong Ngin."  
 Neingarenikini Ngesi...

Kiitunite, ebuni ajarakon araut naikalalat adepar akitukukon. Nuijari jo itogogongikinetete itunga adepar ngun nuinera jo.

Kiupakinka Nges, ka Nges, (erot, aibo?) erot kere.

[Ageu Onac Branham eiruk Neingarenikini Ngesi Eong-Ekewa.]

Bon konakin ijo ilopet, kaidules, kainakina, etaukon kere. Ido bodo arai erai naapak nakawasia naicamakinitere jo ailip? Epedori kereka araut. Elipit eong komam. Epedori kereka araut. Konyet bodo kojenu cut kwana, kojenu teni cut, teniteni cut. Kiitunite ebuni ekek agolokin, kapaaran adiopet, kodaunos bodo akiro. "Kilip kiinakinio."

[Ageu Onac Branham eiruk Neingarenikini Ngesi Eong-Ekewa.]

Bon koomoom nuka aibuses ngin kere naijaikinit Ngesi jo, nginibore yeniswamat Ngesi. "Eyuunit eong, wu Ejakait. Eyuunit eong. Eyuunit eong ebe irai Ijo ekepikoron kang. Ajai bon eong aupa ka Jo, wu Ejakait. Akoto eong asalit dieKon, ebe neijai Ijo, nen nges neakoto eong ajaut."

112 Ido kiitu, ibu Ijo kolimok isio, wu Papa, ebe, "Kiponi isio ajaut ka Ejakait ikar kere, nakiuruporere isio kuju." Kiraibon isio lu-lukigiparit Ngesi kwana, kwape ejaar Ngesi elosete ka sio kwana. Konye do kilosi isio...Ibore yenepol bo lolo biai ngin, ajenun bon ebe ejai Ngesi toma a-kiding kosi! Inyobo da eraun kapak naijaunor isio ka Nges ikarkere? Kimina noi isio aswamisio kosi: kipedori isio alosit kinga aibwanen; kipedori isio alosit egwelet; kipedori isio alosit ameja, ailok lukecor, araikere nu katicepak kipedori isio kotoma aitelelio. Konye, oo, naengarere ekanisa, kikoto isio airiamun ka Ejakaitikosi. Ngun kes nuepolok kakere kotoma oboro kere. Konyet, koomoom, abu Ngesi kisumun isio. "Kwangin kijaenena kaEjakait. Aibo nepepe ka Nges kotoma oicolongoKe, kasodete kwangin ajaut ka Ngesi ikar kere." O Edeke, kaitasiono, nepepe-nepepe ka akwes elurete, kicamunit isio ngun, Ejakait, Kokiror loka Yesu Kristo.

113 Ipupepe kereka yesi ebe ipedorete cut yesi ainyein, kwana, nginibore kere, nginibore kere yenelangir? Ipedori cut ijo alosit kokuju, kujuke kwana? Araierai kwangin, kikia jo akonikan, kotema, "Kanuka asianut naka Edeke eperikini eong aitemio na kwap. Mam eong abuni aitiji nges, bobo. Alosi bon eong aitingaKekan, kageuni aiyatakin alosit."

"Aji eong Onac Branham. Abu eong katam ainyein aimat esigala. Eong-abu eong katamite aosikin ikatima kopolooros. Atamatam eong aswam nu. Abu eong keswama...abu eong katamite, kagogong noi, Onac Branham. Mam cut eong apedori aswam ngun."

Srikitam ngun, bobo. Bon kodongakin akaniKe, kotema, "Papa, kirupak do Jo akanika akan naka esaati." Ianyu? "Alosi bon eong ainakin Jo akakan. Abuni do eong aiyatakin alosit, wu Ejakait, kaseseni mamaKon." Iswamaunos ngun. Ebuni Ngesi aitanap jokwape Ikristayot yeniteni. Ibuni jo araun Ikristayot yeniteni.

Aitodol neanyunia eong yes, nat kuare, komina Edeke yes ido kojaasi kayes. Iraasi yesi ikadwe luka Akiro Nukajokak. Iraasi yesi luagweli.

Kwana ejaikini eong ekeconikus, mamakon , kanuka aitwar, Onac Neville...?...



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7